

ZINKOZYA ZYA KRISTO



Eco ncibotu kapati kuli ndinywe, kwaamba ceeco.

Ndili kkomene kapati kuba mu ng'anda ya Mwami. Kuli biyo busena bomwe bubotu, alimwi obo nkuba a Mwami. Embo na? Cindi ca . . . Bonse buyumuyumu a masukusyo a mapenzi a buumi ziya kuyabaalila mu ciindi ciciza, cipati cabulemu. Elyo ncobeni tu langila kumbele ku ciindi eco notuyo Mu bona.

² Elyo muntu umwi wakali kundibuzya, buzuba bumwi, kati, “Sena uyeeya kuti, Mukwesu Branham, kuti Kuboola kwa Mwami kuli afwaafwi?”

Nda kati, “Nda cita ncobeni.”

Kati, “Ee, Nda ka cimvwa kwa ciindi cilamfu.”

³ “Pele,” Nda kati, “buzuba bumwi uyo umvwa kwa ciindi camamanino.” Wabona? Mbo mbubo, nkaambo Uyo—Uyo sika buzuba bumwi. Elyo kufumbwa mbo cibede, Ndi yanda buyo kulibambila. Ndi . . . nce . . .

⁴ Twa kalikwaambaula, buzuba bumw, kumbele lya basimakwebo, aba bakali maloya, abamwi bambi. Elyo—elyo ba kati . . . Umwi wakati, “Ino mbukanze nzi bwako—bwako mu buumi?”

Nda kati, “Ndi jisi bomwe.”

Wa kati, “Ncinzi eco?”

⁵ Nda kati, “Kufutula bantu kuli Kristo.” Eco i—i nce cintu cilikke eco Nce . . .

⁶ Bukanze bwangu bwaatala maningi, alimwi bukanze buyo, nku bona Jesu Kristo kalemekwa. Ndi ponena eco.

⁷ Elyo Ndili kkomene kapati, bumboni bwesu, kuti myaka ili makumi otatwe aumwi ili mu kulibamba lino, Nda ka Mu belekela cabubombe. Ikuti na Nde elede kupona kwa myaka ili mamilioni, Nda kajisi obo bunji bwa kupona, inga Nda yanda kupona miniti lyoonse lya mbubo kuli Nguwe. Nkambo Nda . . . Elyo ikuti na Nda kalizi kuti Ndiyo nyonwa ku mamano, ncoolwe cili boobo caku ponena Nguwe! Ngwa kasimpe loko a kabotu loko!

⁸ Elyo Nse na jana cintu, mu nyendo zyangu zyoonse zya buumi, eyo inga yaba nzila ili yoonse yakeendelana a luswaanano ndo tujisi antoomwe cindi tulikke, Walo a Ndime. Kwiina mulalilo mubotu loko. Ndupati kwiinda luyando ku cintu cili coonse, ku mukaintu, bana, na kufumbwa cintu, ngu luyando lwa Kristo. Ndu botu loko.

⁹ Lino, tuli kkomene loko kubona lubukulusyo olu luzumanana kwiinda mu mvwiki. A kumvwa oyo Mukwesu

Parnell, a bamwi, bakali kucita zya kwaambaula kumwi kupati okuno. Elyo tula syoma kuti kuciindi ca lubukulusyolo . . .

¹⁰ Lubukulusyolo lula mvugwi pe ziindizimwi. Muntu umwi uyeeya kuti lubukulusyolo ndwa kuleta mamembala mapya mu mbungano. Peepe. Lubukulusyolo lutobela luli obo. Pele lubukulusyolo ndwa kubukulusya eco cili kale mu mbungano. Mwabona? Nku—nku leta ceeco.

¹¹ Kwakali ciindi cimwi Ne kaima kumbali lya nkomwe zya lwizi, elyo Ndi—Ndi yeeyela kuti Nda kabalulula ziindi zinji, pele ngu . . . cakali ciindi cilamfu, myaka yakainda. Elyo cakali ciindi citaanzi Ne kasola kubona, ee, tii lyakali lwizi, yakali Lake Michigan. Hope a Ndime twakali kutala okuya cindi muswaangano wa baiminzi ba Inyika niwakaliko. Eyo yakaliko, Nda syoma, kutandila 1922, Mukwesu Egan, kubotu maningi Mbwe yeeya, cindi muswaangano wa baiminzi ba Inyika niwa kali ku—ku Chicago. Cakali ciindi cangu citaanzi kubona mubili mupati wa maanzi. Elyo Nda kaima okuya buzuba obo, a kubona mayuwe ayo mapati. Cili mbuli buyo . . . Cifumo ca pasika, ba kajisi muswaangano wakupasukakwazuba okuya. Elyo kubona mayuwe ayo mapati kaenda mukati a kuzwa, elyo, oh, kaboneka mbuli kuti akali kkomene kapati.

¹² Pele Nda katalika kuyeeya, “Nywebo mulizi, takucikwe maanzi mu lwizi olo, alimwi lula zumanana mbuli boobo, kwinda cindi naumwine ncobeni. Walo mweelwe wa maanzi ngaonya, kutali dosi lyomwe limbi.” Pele Nda kayeeya, “Ee, nkaambonzi i—i myuuwo ncoi seluka a—a kuzungaanya lwizi mbuli boobo?” Nku gusya masifwilila onse kuzwa mu lwizi. Mwabona? Ala waala zintu zyoonse ku nkomwe. Cindi . . .

¹³ Elyo mpawo Ndi yeeya kuti, “Eco cili mbuli lwizi mukuba a lubukulusyolo.” Mwabona? Lula luzungaanya, akulu sotosya, akulu nyuka konse, kusikila onse mankwisita azwa. Eyo nje nzila lubukulusyolo mbolubede, nkutulekela kunjila mu Muuya wa Mwami, a kutangala, a kululamika zilubide, a kweenda kwa muni loko, kulisalazya alimwi, a kutuula, kusikila zintu zyoonse a buzumbauzi bwa nyika zyoonse zisowegwa aa nkomwe, nywebo mwabona. Mpawo nkuzuza, kubotu kusoolokede, kuzwida awo, cindi bwato bwakaindi ibwa buumi bwatalika kukopa kwinda muli ndulo. Oh, ta mweelede kulangisya maningi, nkaambo zintuzyonse zili zwide mu nzila. Eco ncibotu.

¹⁴ Ee, sunumasiku, ta tuyandi kutola ciindi cilamfu, obu mukuba busiku bwa Muvulo, elyo busiku butaanzi bwa mvwiki, ku busiku bwesu bwa lubukulusyolo. Elyo Nda kali kkomene kapati kwaambilizya kuti lubukulusyolo lula zumanana.

¹⁵ Elyo Ndi jisi beenzuma banji. Nda bona bakwesu bamwi awa, a bantu baka ndipa ziloto ezyo nzoba kalota, mu mvwiki zisyoonto zyainda. Elyo Mwami waka ndigwasya kuba a

bupanduluzi bwa zintu ezyo lino. Ta ndiziyi abo bali aakati kesu, akuti na mbangaye beenzu, na bamwi bambi. Pele Mwami Leza ucipa bupanduluzi ku ziloto. Zili londokede a kulondoka.

¹⁶ Elyo Ngu Leza nguwenya oyo wakali mu mazuba aa Josefa, cindi—cindi mwaami nakalota ziloto. Elyo wa kamutolokela, alimwi bwakal mbubonya. Elyo zimwi ziloto ezyo nko zicili nokuba sunu. Micelo yazyo icizumanana. Elyo, Daniele, mu mazuba akwa Nebukadinezara.

¹⁷ Elyo mweembeli wesu, muniini, mubombe waamba, kaindi kainda, ee, ta—ta kali kuyanda buyo kundilomba kugwasya kunji mvwiki eyi. Wa kati, “Ndi lizi uli katede, Mukwesu Branham. Pele,” kati, “ee,” wa kati, “tu lindila buyo a kulibuzya.” Eco cili kabotu.

¹⁸ Acimbi, Nda kasaya kuba amuswaangano ku Sydney, Australia, ku kaambo kakuti tiiba kandi zumizya kuswaya ciindi eci, mwabona, kusiya States ku ciindi eci. Elyo, aboobo, a zintu zimbi, aboobo Nse konzyi kuunka ncobeni ku ciindi eci. Ta ndizi cindi Neyo konzya kuunka. Pele calino Njo konzya. Pele kuciindi ni twa kacijosya aniini, Ndi inka ku Chicago eno, ku i—i muswaangano mu Chicago, uboola. Kwalo, bakazibya kuti Nda keelede kuyooba kokuya, pele mukutaziba kuli ndime. I ciindi eco nce Nda keelede kuba kokuya, Nda keelede kuba mu Tusuwa twa Fiji, awo mpo bakaamba kuti kuyooba bantu banji bayo bungana, abalo, mu tusuwa. Pele Nse kakonzyi kutola muswaangano ndyoonya lino, okuya, nkaambo ka inguzu zya visa. Elyo, pele, Ndiyo cita, calino. Ba lindila buyo.

¹⁹ Lino Ndi nooli mu Chicago. Gene, sena uli azyi mazuba kuti ngaali? Sena muntu uuli oonse ulizi eco cakazibisigwa? Ta ndizi akwalo cindi nicakali obo. Nda kacibona buyo mu *I Cizibyo Ca Lusyomo*. Nda syoma kuti uyo talika kutandila mu 4 na 5 wa mweezi, na cintucimwi mbuli ceeco. Na, kulatobela, kutandila mvwiki kuzwa lino, mazuba ali kkumi. Elyo aboobo Nda kali kungsi lya kuminwa kunji, alimwi Ndi yanda mipailo yanu.

²⁰ Lino, sunumasiku, Nda sala ku kubala kwa Lugwalo lumwi, ikuti na muyanda kubala a ndime, kuzwa mu Musalali Johane cipati 13, cibeela buyo. Nywebo nomu bamba Mabbabbele anu munsu, a kuyanda kubala kutobela, kuciindi notu bala.

²¹ Elyo kwamana biyo kuswaangana oku, sunumasiku, kuyooba kwiiya zya mucado okuno. Aboobo, mbo tu mwaisigwa buyo, ikuti na tuyo bindaanina cakufwambaana loko, mbuli mbo tukonzya. Kutali kubinda; pele buyake bwabula bantu, mpawo bayanda kwiiya iya zya mucado. Elyo kuyooba mucado okuno, juunza masiku. Bobilo bana besu mu cikombelo eci luswaanano lweelede kuyo kwatwa juunza masiku, mbuli mbo muzi nyoonse. Mukwesu wesu mubotu, David Wood ula kwata, uukwata Marilyn Jefferies, juunza masiku, ku cikombelo, kakutanaba buyo kuswaangana. Alimwi aboobo oyu mucado

weedele kuyiigwa. Buyo. . . Ta kukabi kwa kalengwa; mucado wakati ku kalengwa juunza masiku.

Lino, katutana kubala Ijwi Lyakwe, atu kombe.

²² Taata Leza, mbuli mbo tuboola cabulemu loko mu Busyu Bwako, katuleta kumbele lyesu Zina lili jisilidi lya Jesu, twa kasyomezegwa kuti Uyo tumvwa. Nkaambo, Wa kati, “Amulombe Taata cili coonse mu Zina Lyangu, Ndiyo cicita.” Nkikaako, twa boola, mbuli basyomi Banakristo, acamba ku Cuuno cabwami ca luzyalo, mukuziba ceeci, kuti, ikuti na myoyo yesu tai tupi milandu, nkokuti tu lizi kuti twa ingula kuli Leza wesu.

²³ Elyo twa lomba kuti maumi esu akkutye loko kuli Nduwe, kwiinda ku kulyaambilila kwesu kwa bulubizi bwesu, a bululami Bwakwe ku tujatila, kuti kuyandisya kwesu kukazulile sunumasiku. Elyo, Mwami, kuyandisya kwesu kupati maningi nku bona luzyalo Lwako lupati lwa katililwa ali ndiswe, elyo ci—ci, lekelela zibi zyesu a kuponya malwazi akati kesu. Elyo inga Wa kanana kuli ndiswe mu nzila ya ciyubunuzyo, na cisinsime, na kufumbwa buyo cintu eco Nco yanda kwaamba ku Mbungano Yako. Akube kuti myoyo yesu kiitambula ku Muuya Wako. Akube kuti tuswaangane loko a mundando mupati sunumasiku, kuti Muuya Uusalala inga waamba ku myoyo yesu, a kujana bulemu kuzwa ku Busyu Bwakwe.

²⁴ Lino, Mwami, inga twa kombela boonse bacisidwe a babulide. Nkambo, kakutanaba buyo kuboola, mbuli mulembi wesu mbwa kaleta ku desiki lyangu, mu mazuba obile aa mamano, mulongo buyo wa mazina, ku cisi, abo baciswa, bafwa, makani antenda akalembwa mu kusubila. Elyo mbuli Mbwe bikka munwe wangu ali umwi aumwi wabo, kuselemuka peegi, O Leza, mu busyu bwa mbungano eyi, sunumasiku, Nda kumbilila luzyalo a luse Lwako, kuli umwi aumwi. Uli zyi umwi aumwi wabo, a ceeco ncoba bulide.

²⁵ Elyo inga tii twa luba oko, Mwami, obo bayandika kukutaukila, sunumasiku, oko nkulaale mu miinzi a bakakomena a bakompeme. O Mwami Leza, bunji bwa baabo mbana bakasanzigwa ku Bulowa Bwako. Oh, cindi twa cempaala, nkabela bayandwa besu bakaluba, kuli kuumbulizigwa komwe nko tujisi: Leza kwiina naluba. Micito yesu yoonse ila lungululwa mu Bbuku lya Buumi, alimwi kwalyonse mu Busyu Bwakwe. Elyo inga twa balombela, sunumasiku, Mwami.

²⁶ Twa lombela luse ku cisi cesu. Elyo kuli baabo bali mukubisya a kucita cilubide, a kuli baabo mu mabbiyaholo a—a mu masena aindene aa cibi, sunumasiku, inga twa lomba luzyalo kujatilwa, Mwami. Elyo tu komba kuti Uyo tubamba maningi, Mwami, kuti myoyo yesu izule maningi luyando kuli Nduwe,

kuyooba kuyanda kwesu kupati kubelekela Nduwe a kuba abo bafutulwa.

27 Longezya kubala kwa Ijwi, a zyoonse nzo tucita. Cabubombe tuyo kotamika mitwe yesu a ku Ku lumba, nkambo twa cilomba mu Zina Iya Jesu. Amen.

28 Lino amujule ku Bbuku Iya Musalali Johane, cipati 13, tuyo bala kwa cibeela.

Lino kakutanaba pobwe Iya pasika, cindi Jesu naka ziba kuti oora Iyakwe Iyakasika kuti azwe mu i inyika kuli Wisi, mu kuyanda bakwe beni abo bakali mu inyika, wa kabayanda mane ku mamanino.

Elyo cilalilo nicakamana, dyabulosi lino waka bikkwa mu moyo wa Judasi Iskarioti, mwana wa Simoni, kuti amwaabe;

Jesu mukuziba kuti Wisi wakapa zintu zyoonse mu maanza akwe, alimwi kuti wa kazwa kwa Leza, a kuunka kuli Leza;

Wa buka kuzwa i ku cilalilo, a kubikka ambali zikobela zyakwe; a kubweza cisansamuzyo, a kulyaanga mwini.

Nikwakamana obo wa katila maanzi mu mudisi, a kutalika kusanzya matende aa basikwiya, aku bapukuta kubesya cisansamuzyo eco nca kalyaangide.

Mpawo kwa boola kuli Simoni Petro: elyo Petro wakati kuli nguwe, Mwami, sa ula sanzya matende aangu?

Jesu wakavuwa a ku mwaambila kuti, Eco Nce cita lino tozyi. . . pele uyo ziba kuzwida ono.

29 Akube kuti Mwami ayungizye zileleko Zyakwe ku kubala Kwakwe, kwa Ijwi. Ndi yanda kubweza i—i cibalo, masiku ano, kwa ciindi buyo cisyonto, i ciyo ca: *Zinkozya Zya Kristo*. Elyo Ndi yanda, ku ciyo, “Ino eci inga caba nzi? Ino citola nzi kubamba Munakristo?”

30 Lino, Ndi lizi eci ngu, cimaninide, kutali cibalo cavangeli, pee. Elyo, nekubaboobo, calo ncibalo cavangeli, nkaambo Mbungano tai konzyi kuzwidilila kusikila Ya ziba busena Mpo i zwidilila.

31 Elyo Nda syoma kuti umwi katana konzya kusola kweenda na kuba a lusyomo lwini lwa kaanzambwene, nku, lutaanzi, beelede kuziba mpo baimvwi, a nzila ya kwiima bamana babamba kwiima kwabo. Nda syoma eco nciyandisi. Nkambo, to konzyi kudumpukila camutwe mu cintucimwi, a lusyomo, kakuli tozyi awo mpo dumpukila. We elede kuziba. Elyo ikuti na lusyomo lwesu luli bambidwe kabotu, alimwi mu busena bweelede, lupa kukkutula kuzumanana.

³² Cili mbuli cakaambwa kujatikizya mwanakazi oyo, ndiza, cindi akwatwa, cakuti ula yana loko—loko kuti akabukate muvwanda miniini mutaanzi, cakuti ta zyi nconzyo. . .konzya kulindila. Pele walo, kulangila kwakwe kuli boobo. Pele, kunze lya ceeco, kuli buyoofu, ikuti na tacitondezyi cakufwambaana, kuti ta kabi a muvwanda oyu. Mpawo eco cila mweenzya kulaale, ciindi coonse.

³³ Lino, kuli cisilisyo eco ncoba cita mu mazuba aya, alimwi caka beleka mu makkalo oonse, ikuti na mwanakazi oyo wabona na usyoma kuti tako yoozyala muvwanda oyu. Ikuti na uyo unka buyo a kuyo zyala muvwanda, mpawo, cintu citaanzi nywebo mulizi, uyooba a omwe wakwe mwini. Lino, eco kakatondezegwa kululema, fuka kuzwa mu ziindi zili kkumi. Nkaambo kakuti kuminwa kwa kugambwa, “Oh, ndiza Nse kabi ankuko.” Pele eco citola oko kukkutula kuniini awo, alimwi ndiza ni nzila ya Leza yaku munjizya mu ciimo. Mpawo uyoba a muvwanda wakwe wini, nkaambo oko kuyoosya a bulangizi kuyo musiya kumalekelo.

³⁴ Eyo nje nzila njionya ijatikizya bantu bayanda kuponesegwa, balo, ikuti na bakonzya buyo kuba a bumboni bomwe buniini bulibonya.

³⁵ Mbuli Eliya, cindi na kati. . .Gehazi wakati, “Nda bona kkumbi kutandila musela wa janza lya muntu.”

³⁶ Eliya waamba, “Nda mvwa kuvuuma kunji kwa mvula.” Wa kabona citondezyo.

³⁷ Ako nkekaambo, ziindi zinji, Nda ambila bantu, “Ko zumanana, talika kulumbaizya Mwami.” Mwabona? Nkaambo, oyo ngo muvwanda wakatambula bwana, nkaambo cili mu bupampu bwabo kusikila caboola wa buntu bwabo, kuti baponesegwa, mpawo lusyomo lula cilulamika.

³⁸ We elede kuziba eco ncoli mukucita. We elede kuba a kaanzambwene muli ceeco nco cita.

³⁹ Aboobo, ziindi zinji loko, tula mvwa bwaambe obu, “Oh, ino Munakristo ninzi?”

⁴⁰ Bantu bamwi kugozya ku kusangana mbungano. Muntu umwi wakati, “Ee, Munakristo ngu i—i cizo ca mbungano, muntu umwi oyo uubweza bumembala bwabo ku mbungano.” Nda syoma kuti boonse Banakristo beelede kucita ceeco, pele Nse syomi kuti obo Mbunakristo. Mwabona? Obo Munakristo mbwa cita amana kuba Munakristo. Pele ta caambi, kuti, nkaambo ula cicita, kuti walo Munakristo.

⁴¹ Mpawo bamwi balati, “Peepe. Nku unka mbungano a kubelekela bulembo bwa tunsiyansiya, a kusyomeka ku zintu ezyo omo mbungano moiysiya.”

42 Elyo mpawo kuli bamwi abo baamba, kuti, “Antela kaba bwezede cintucimwi ciniini—ciniini ali mbabo, ii—ii ciingano ciniini na cintucimwi, kuti eco naitondezyo ca Munakristo.”

43 Ee, elyo mpawo kuli bamwi basyoma, kuti, “Antela, ndiza, ikuti na bayo umpa nkandela, na kucita musyobo wa kulipa kwa bukombi, kuti oyo Munakristo. Ikuti na bayo nyikizigwa buyo mu maanzi, na bayo cita cituuzyo cimwi, na kupa bubotu bumwi ku mbungano, na—na kugwasya simukobo, kuulila mukamufu malasha, na mabbusu a mucaala.” Eyo nje naito Munakristo njaelede kucita, pele eco nekuba tacibambi kuba Munakristo.

44 Elyo mpawo bamwi baamba, kuti, “Ikuti na wa bweza cinkozya ca Kristo mu mootokala wako, na aa bulambo bwako, kuti eco naitondezyo ca Munakristo.” Ee, zyalo zintu zili kabotu, pele Nse syomi kuti kubweza cinkozya kukubamba kuba Munakristo.

45 Nda syoma kuti mukuba cinkozya ca Kristo cikubamba kuba Munakristo. Tacili eco nco tucita, caanze. Nceeco cakacitika, camukati, eco citubamba obo mbo tubede. Mpawo, nkikaako, ikuti na Walo cinkozya cesu, alimwi tuli mu cinkozya Cakwe a zizo zya Mubili Wakwe, tweelede kuba zinkozya mbuli Nguwe. Mpawo maumi esu eelede kutondezya cinkozya ca Kristo, kutali kusangana kwesu kwa mbungano, na mu kubweza kapangano kesu, na kulimvwa kwesu, pele kweelede kuba mu Busyu bupona bwa Leza muumi obo butondezegwa kwiinda mu buumi bwesu.

46 Kwa kaambwa kuli ndime, ku beendelezi, kuti... kabatanaba kuba a mazuba aa simelota, ku gusya i—tombe kuzwa ku ngolide, kubweza butale a piraiti. Piraiti ili mumsi loko, mbuli ngolide ini, mane itegwa “ngolide ya bafuba.” Pele nzila mboba kagusya zyoonse ezyo, ba kayoonda kubelesya nsando. I bama India bakali kucita eco. Alimwi mufuzi wangolide wakaindi wakali ku cicita, kuyoonda kubelesya nsando, a kwinyona alimwi a alimwi, akonda kusikila tombe lyakazwa kuli njiyo. Elyo nzila buyo njo bakazi kuti yakali kuselemukila ku ngolide, cakali cindi sikoonda nakakonzya kubona kutondezegwa kwakwe muli njiyo. Oyo wakali koonda wakali kukonzya kuzumanana kulanga, kusikila wa kakonzya kutandila kugela, kwiinda ku kutondezegwa kwakwe mwini mu ngolide eyo nja kali kgonka.

47 Elyo cindi Muuya Uusalala wa Leza watalika kutuuma, a nsando ya Makanimabotu, kusikila zintu zyoonse zya inyika zyoondwa kuzwa, nkabela inga twa tondezya cinkozya ca Mwami Leza, mpawo Nda syoma nituba Banakristo. Nkambo, bbala *Munakristo* lyaamba “Kuba mbuli Kristo, a ku Mu tondezya.”

48 Lino eco tacaambi kuti tweelede kusuwa cilezu cilamfu, mbuli zifoto zya muna arti nzobaka Mu penta. Alimwi ta caambi kuti tula lekela masusu kulampa, mbuli bana arti mboba Mu cita

kuba, na kusama cikobela mbuli Mbwa kali kusama, nkambo tu ponena mu buzuba bumbi. Ta tweelede kuba boobo, ku tondezya cinkozya Cakwe cakunyama.

⁴⁹ Pele tweelede, mu buntu bwesu, kutondezya cinkozya Cakwe ca Muuya a ciyanza Cakwe ca buumi. Nse syomi kuti Banakristo bajisi kusangana mabungano na buzumini bwabukombi. Ndi syoma kuti nkutondezegwa kwa Jesu Kristo mu muntunsi, nkambo tuli basimbungano Bakwe, zizo zya Mubili Wakwe, alimwi tu jisi cinkozya Cakwe, Lugwalo mbo lwaamba.

⁵⁰ Lino, ino musyobo nzi wa cinkozya Mbwa kabede? Ta kaboola kuba muntuumwi mulemu; nekubaboobo, Mbwa kabede. Pele Wa kaboola mbuli mulanda. Ta kaboola kuzo kutaukilwa, pele kukutauka. Cibalo cesu, sunumasiku, citondezya obo Mbwa kabede. Eco nceci Mu bamba kuba mupati, mu kuyeeyela kwangu. Nekubaboobo, mukuba nguwenya Leza wa Butamani, nguonya Leza Oyo wakalenga majulu a nyika; elyo cindi Na kasika okuno, Wa katola busena bwaansi maningi, ncito itayandwi kapati eyo umwi nja kozya kuba ayo, wa kali sikusamausya uusanzya matende.

⁵¹ Mu kubadela konse, kwa mazuba mataanzi, mu inyika ya Kujwe, sikusamausya uusanzya matende wakali muntu uvola kuniini loko kwinda boonse. Nkambo, mu mazuba ayo banyama bakali kweenda mu migwagwamipati, kuti, inzila ziniini zya kumbali moba kweendela. Elyo mu mugwagwa, wakali kununka, mu mugwagwa onse, oko banyama mobakabede. Elyo lusuko lwakauluka mujulu a kujatilila maulu abo a mu matende abo. Elyo kununka kuli boobo kubyaabi, mbuli mbo kwakabede! Elyo kufumbwa buyo muntu waboola kuswaya uumbi, ta kakonzya kunjila mu ciyanza eco. Wa kali kununka kapati, kuzwa ku kununka kwa mugwagwa, a lusuko, mbuli kuzunguluka i—i cilido cabanyama.

⁵² Aboobo, cintu citaanzi nca kacita, wa kajisi kasena kaniini, kasena ka kutambwida, alimwi muntu wakali kuvula ansi loko ku busena, mbuli buyo muzike umwi, kakkala kusule kuya, ku sanzya matende aa mweenzu oyo oyo wakali kuboola, aku mupa mabbusu ambi akusama, mpato ziniini, aku musamika. Elyo mpawo wa kali nanikidwe, alimwi, mpawo, a mafuta. Elyo wa kali kukonzya kunjila mpawo kuba mweenzu wa mweenzinyina. Nkaambo, wakali kunga walimvwa kutaanguluka mu busena, kunjila, kuzwide kununka kwa i—i migwagwa, a kuzwa nkasaalo inji, a zimwi zimbi. Alimwi sikusamausya uusanzya matende wakali kuvola ansi kwinda muntu onse wakaliko.

⁵³ Elyo Leza wa Julu, wakalibombya Mwini, kuba . . . I mupati maningi oyo wakaba waansi maningi wakaliko.

⁵⁴ Ino ndwandaano, lwa bategwa Munakristo, kutondezya Munakristo sunu! Ino ndwandaano! Baa, oyo uuteywa

Munakristo sunu uyanda ku belekelwa. Oh, ula talika kuyeeya kuti muntu umwi.

⁵⁵ Ino ndwandaano kuzwa, mbo cakabede, cindi Na Mu tondezya. Ta kaboola kuzo kutaukilwa. Pele Wa ba...Wa kaboola kukutauka. “Alekwe oyo mupati maningi akati kanu abe mulanda wabo boonse.”

⁵⁶ Elyo twa bona, sunu, kuti bweende bwesu bwasonu ibwa Bunakristo ngu, “Ndili muntu umwi, alimwi toli cintu.” Oh, cili ii...Cili lubide. Ta ceelede kuba munzila eyo. Tu sola kutondezya Bunakristo mu nzila ilubide. Leza tayandi kuti tu cicite mu nzila eyo. Wa...Twa kaimba lwiimbo, *Kuba Mbuli Jesu*, pele cindi casika kubombya kulisumpula kwesu, akuyaansi mbuli Mbwa kacita, mpawo tweenga muncali.

⁵⁷ Elyo mukucita boobo, muntu wakapanga tubungwe, kuti bala konzya kulyandaanya lwabo, “kulibonya kutaba a Muuya,” mbuli Lugwalo mbolwa kaamba. Bala lyaandanya lwabo. “Tu zulilwa ku mbungano iili *boobu-boobu*. Ni—ni mbungano mpati maningi. Ni mbungano mbotu maningi. Kabungwe kesu nkabungwe kapati maningi.” Eco cibeledi mbuli Jesu. Eco ta citondezyi luyando Lwakwe a bube Bwakwe bwabuntu.

⁵⁸ Wa kaboola kuli sibwaamu waansi maningi, wamu tugwagwa, ku mukumbizi, kuli sikubwezelela, a kujana nkoonya kunselelo mu lusuko ambabo. Obo mbuumi bwa Bunakristo. Eyo nje nzila mbo ceelede kuba, ku Mu tondezya mu nzila eyo.

⁵⁹ Oh, Ndi lizi bantu baamba kuti, “Ayo—ayo mazuba akamana.” Ta ciciti.

⁶⁰ Ikuti na Kristo ucili Kristo, ikuti na Muuya Wakwe ucili Muuya Uusalala oyo wakali muli Nguwe, kuba muli ndinywe, Ciyoy mubamba kubweza busena obo, anywebo.

⁶¹ Pele, sunu, tu sola kuyeeya kuti tuli andeene. Obo mbo cili kulaale kuzwa ku mupailo Wakwe, cindi Na kakomba, kuti, “Eci bantu boonse inga baziba kuti twa kali basikwiiya Bakwe, cindi twaba a luyando kuli umwi aumwi.”

⁶² Elyo mubusena bwa ceeco, tula kwankwana kuli umwi aumwi. Tula sampaulana, nkaambo ta tuzuminani a zintu zimwi. Elyo tula unka kumasena a—a kutamikizya umwi aumwi, mwabona, awo...elyo nekubaboobo bataminina kuba Banakristo. Ndi lizi bantu abo bataminina kuzuzigwa a Muuya Uusalala, kuzulwa ku zintu zili boobo, kuunka kumasena a—a kwaamba ncobeni zintu zibi kujatikizya Banakristo bambi. Kakuli, ta beelede kucita zintu ezyo. Lino, mukwesu, mucizi, cindi twano jisi musyobo oyo wa muuya, inga akwalo twa njila mu mizeezo yesu kuti tatunaba Banakristo. Takukwe makani mbo tulyaambilila, nceeco nco tujisi cijisi makani. Mwabona? Ta tukonzyi kuba Banakristo a kuta yanda bantu boonse. Inga twa impana a bantu.

⁶³ Pele, Jesu taka bikka mukati a kwaamba, “Ee, lino, awa, nyoonse noba Farisi, nyoonse muya ku gehena. Elyo kwiina ciindi cako, nkaambo ka *ceeci, eco*, na *cimbi*, nkaambo uli mu Farisi.” Pele Wa kaunka kuli mbabo, nkabela Wa kaba kutaukila, nkabela Wa kabagwasya. Wa kacita zintuzyonse Nzya kakonzya, ku kubagwasya.

⁶⁴ Pele, sunu, i lwiiyo, a bumembala bwa mbungano, a kujatana kwa nyika zyaleta mbungano antoomwe munzila eyo kusikila bapampu batola busena bwa basimuuya.

⁶⁵ To konzyi kusika kuli Leza cita ku Muuya. Kuli nzila yomwe luzutu eyo muntu nja konzya kuboola kuli Leza, nkabela eyo nkwiinda ku Muuya Uusalala. Jesu wakati, “Taakwe muntu ukonzya kuboola kuli Ndime, cita kuti Taata wa mukwela, lutaanzi.” Obo mbwini buyo mbuli mbo cikonzya kuba, Munakristo.

⁶⁶ Tu yanda kubweza kagwalo kaniini, sunumasiku, mu moyo wesu, a kubala zintu ezi lino. Atu yeeye eci.

⁶⁷ Oh, bamwi besu bataminina kuba a luzibo loonse. Tuli jisi abo baamba, “Lino lindila!” Ba yanda kuba “madokotela” a “matata aasalala,” a zimwi zimbi. Pele mukuziba koonse oku, ikuti na mwakali jisi luzibo loonse, inga tii cakugwasya kuli koonse cita kuti (wakali) kajisi Muuya muli nduwe, wa luyandisyo. I Bbaibbele lyakati, “Nekubakuti Ndi jisi luzibo loonse, alimwi nke tajisi luyando, Ta ndili cintu.”

⁶⁸ Elyo mbubotu nzi luzibo lwesu nco lucita, cindi muntu umwi aamba, “Inga nseinka ku lubukulusyo mbuli olo, nkaambo abo tabali bantu bayiide. Inga—Inga nseba antoomwe ambabo?”

⁶⁹ Takukwe makani na tabazyi ma ABC abo, na pe, bala konzya kuziba Kristo. Nconzyo taakwe kukonzya kuba aansiloko. Akube kuti Leza abambe Muuya oyo lyoonse muli ndime. Takukwe makani obo—obo mbwa ubaukide, eco nca syoma, nkansiyansiya nzi, mubala, na cintu, Ndi yanda kusika ku janza a kumugwasya. Masimpe. Ndi yanda Muuya oyo muli ndime. Nse kayeeyi kuti Ndili kabotu kwiinda muntuumwi umbi; Nda konzya kujata kaango kangu kadukumene, a kwaamba, “Bantu boonse balaima cindi Nda njila,” na, “Ndi jisi muswaangano mupati maningi wa boonse.” Ino Ndimeni, nekuba, pele bulongo obo Leza mbwa kapanga? Andi libombye lwangu, kuti buumi Bwakwe buyo tondezegwa. Atu, toonse Banakristo, balimvwa mbuli obo. Luzibo talu tutoli kuli koonse.

⁷⁰ Kupa mukozyanyo, ino kuti kuli cizangala cizwide ca tugabba, alimwi cizangala ngu musela wa cikombelo eci? Elyo muyuni umwi muniini inga waulukila mu cizangala, a kwaamba, “Nobalombwana, Ndi yanda ku mwaambila cintu cimwi coonse. Nda citika kuba wiinda loko kaniini kuli ndinywe nyoonse. Nywebo mwabona, Ndili—Ndili uukonzya kuziba zyoonse kujatikizya bantunsi. Oh, inga Nda cipandulula

coonse. Nda kabona mulindu keenda kwiinda mu ng'anda. Nda kabona bana kabasobana. Ndi lizi koonse kujatikizya ncico. Lino nyoonse amu ndiswiilile.”

⁷¹ Elyo kutandila ciindi ncili mukuleta kuzwa boongo bwakwe buniini, amuntu waku Princeton University waka yutuka, kajisi bwaambe bwacisyobo bulondo maningi. Elyo wa katalika kwaamba mubandi a muyuni oyo muniini utegwa kkanari, kubelesya bwaambe bwaatala maningi bwacisyobo obo mbwa kakonzya, a kukanana ku muyuni oyu muniini ukonzya. Inga ndayeeya mulombwana muniini inga wanyona mutwe wakwe kumbali. Inga waswiilila kuzwa ku lubazu lumwi kuya kuli lumbi, pele tazi cintu nca li mu kwaambaula. Nekubaboobo, ula konzya ku mumvwa. Kakuli, ula konzya ku mubona. Pele ino luzibo lwakwe lujatikizya kucita nzi? Taakwe. Nkaambo, tazi eco muntu ncaambaula. Nkaambonzi? Ujisi boongo bwa muyuni. Ta jisi boongo bwa muntunsi. Walo umvwisya buyo mbuli ba kkanari mbo bamvwisya.

⁷² Elyo nje nzila muntunsi mbwabede. Ta ndikwe makani obo mboli sibupampu. Tu cijisi boongo bwa kkanari, nkaambo tuli bantunsi buyo. Leza uzibwa ku Muuya, alimwi ku ciyubunuzyo kwiinda ku Muuya Uusalala. Ta tukakonzyi ku Mu mvwisya kwiinda mu bupampu. Yebo inga waambaula, a kunjila a kuba a miswaangano ya bupampu, a lwiiyo lwa kulilemekka kwa mizeezo mbuli mbo yanda, nkabela bantu taba kazibi Leza. Taba konzyi.

⁷³ Inga wapandulula akwaamba bantu abo balila akupa saya limbi kuti mba ciyanza cakaindi, pele oyo ngo muntu uli mukutondezya Kristo mu buumi bwakwe. Ii muntu mubombe, muntu uyo enda a Leza, uyo lilemekka mbuli Jesu.

⁷⁴ Pele, nywebo mwabona, muyuni muniini takali kukonzya kumvwisya, nekubaboobo wa kayeeya kuti wakali kukonzya. Nkaambo, ta bambidwe nzila eyo. Bupampu bwakwe tabu keendelani a bupampu bwa sicikolo oyu musongo.

⁷⁵ Alimwi tabuli bupampu bwesu buyo tubamba kweendelana a Leza. Mbobuti mizeezo yesu, niini itagoli mbo ikonzya kusola kweezyanisya a muzeezo uugola; na mizeezo iigola kuli ndiswe kusola kweezyanisya a muzeezo mupatikampatila wa Leza? Eyo mizeezo ya Leza iitagoli ilaindilila kapati ku bapampu bwabantu kusikila inga teecaba.

⁷⁶ I nzila biyo muyuni oyo nja yosola kuziba eco muntu ncaambaula, kwiinda kukulipa mwini a ku cizumina, a kucita kufumbwa nca yeeya eco muntu nca muyandila kucita.

⁷⁷ Eyo nje nzila biyo njo tuzi Leza, nkutobela kusololelwa kwa Muuya Uusalala. Obo mbubambe bwa kaindi. Alo mabambe aa Leza. Akali mabambe aa Leza lyoonse. Ayooba mabambe aa Leza lyoonse. “Kutali ku nguzu, kutali ku bukozu, pele ku Muuya Wangu, mbwaamba Mwami.” Nko nkuko nko ciboola.

⁷⁸ Longfellow lumwi wakaamba ceeci, “I nzila ya kuzwidilila nku jana kaambo kayandisi ako kabandikwa, kaambo ako kayandisi kabandikwa, elyo mpawo kujatilila kuli nkako.” Masimpe. Cintucimwi calo cibandikwa, caakakwa ku—ku sayansi, alimwi ikuti na nciyandisi, nkokuti jatilila kuli ncico.

⁷⁹ Sena mulizi, mu 1872, Medical Association ya United States yaakaka matabbu akusambila? Ba kati, “Bali mufuba ncobeni.” Elyo kati, “Bayo sabalanganya malwazi.” Matabbu akusambila; kumalekelo bakasika kuli ncico.

⁸⁰ Elyo aya Makanimabotu aakaindi ngo twa ambaula, kasanzigwa mu Bulowa bwa Kabelele! Inga caboneka kuba ciyanza cakale, pele bayo boola kuli Ncico, cakufwambaana loko na kumuka. Kalo nkaambo keelela. Jatilila kuli Ndilyo, a koonse nko jisi. Ni nzila yaka sanzigwa ku Bulowa obo busalazya muntu; kutali kuunka awa, kanywa a kufweba, a kubungana koonse a kuliita lwabo kuti “Munakristo” nkaambo ba zulilwa ku mbungano. Ngooyo Muuya Uusalala, unjoloma uutakwe tombe mu buumi bwabuntu, ngu tondezya Jesu Kristo Mwana wa Leza.

⁸¹ Ako nkekaambo bantu sunu nco bakaka Kuzyalwa kupya. Oh, bali jisi eco ncobaita kuti Kuzyalwa kupya, nzila ya kusukana maanza a mweembeli, pele oko takuli Kuzyalwa. I kaambo nco. . . Taba ka Ci tambuli. Ako nke kaambo nco baunka kusangana mabungano, nkaambo bala konzya kunjila mu nzila imwi yabupampu.

⁸² Leza wakati, “Muntu nata zyalululwa, ta konzyi akwalo kubona Bwami bwa Leza.” Takukwe makani obo mboli sibupampu mbwanga waba, na obo Munakristo mubotu ngo taminina kuba, weelede kuzyalululwa.

⁸³ Yebo wati, “Mpawo, Mukwesu Branham, Nde elede kuyo boola ku missioni niini?” Eco ta caambi ceeco. Caamba kuti weelede kutambula Kuzyalwa kupya. We elede kuzyalululwa.

⁸⁴ Eli ndi bbunga lisangene, pele Ndiyo amba cintucimwi. Ino kuzyalwa niinzi? Ikuti na kuzyalwa kula citika aa bulo bwa bwizu amapepe, na ikuti kwacitika aa cibuye, na mu cibbadela kuteeti twaanda twa kasakatizigwa mu siluki ya pinki, bwalo mbusofwi, nzila ili yonse njo citola. Mbo mbubo.

⁸⁵ Elyo mbubonya mbokubede Kuzyalwa kupya. Ndu pilingano, kufumbwa nzila Nko kutola, pele Ku zyala Buumi. Ameni. Ci leta Buumi. Ino musyobo nzi wa Buumi? Mulanda wa buumi, ku kulibombya nobeni, kuli kaka nobeni. Oyo ngo musyobo wa Buumi. Oh, ba lati, “Pele Nda kaba bona kabalila a koomoka ku cipaililo a kulilemeka bumwi.” Masimpe. Bali mukuzyalwa. Ndu pilingano, Ta ndikwe makani oko nkoya. Inga waimikila, busyu bwako kabuzwide misozi konse, a meso ako kasubila, a maanza aanu kagama kuzwa ku kuuma aa cipaililo, pele Nku zyalwa. Ci cita cintucimwi kuli nduwe. Ci kubamba muzike. Ci gusya kalengwa kuzwa kuli nduwe. Ci

panga cinkozya, kubumba Buumi bupya, bulenge bupya. Inga wanyonganisigwa koonse, cindi wa buka, pele wazyalululwa alubo. Takukwe makani oko nkobede, cibamba Buumi bupya. Bu leta Buumi, bupya bwa cinkozya. Ci bamba muzike kuzwa kuli nduwe. Yebo uyanda kubelekela, mpawo. Jesu uyanda kuti tubelekele umwi aumwi, luyandisyo—luyando umwi aumwi. Elyo mbuli mbo tu belekelana, tula Mu belekela.

⁸⁶ Lino, amuyeeye, mbaabo biyo bacisidwe bayanda lugwasyo, kuswaangana. Balwazi buyo, bayanda lugwasyo. Elyo cindi wabona mukambausi. . . Elyo akube kuti Nta cigozyi biyo ku mukambausi, pele akube kuti Ndi cigozye kuli membala onse wa mbungano uyanda kulanganisigwa kuti, “Ndi muntuumwi,” koyeeya buyo, kuli muntu ucisidwe simuuya. Ba bulide kulanganisigwa. Ba yandikana lugwasyo lwa Muuya wa Leza, ku bapa cintucimwi eco ciyo gwisya kulanganya oko kuzwa kuli mbabo, aku baponya kuzwa ku kuliyaanda kwako a mizeezo mipati, alimwi “mebo mupati ayebo omuniini.” I Muuya Uusalala utubamba toonse kuba bomwe.

⁸⁷ Kuciswa kunji loko kwa kumuuya, sikuciswa kuceya bulowa! Sa mulizi anemiya kuti niinzi? Nguumwi utajisi bulowa bunji. Ba leenda cakugambya. Bali pilingene, kupilingana kwa kukolwa aniini ciindi conse. Elyo nde penzi a mamembala esu manji aa mbungano sunu. Mbaabo batajisi bulowa bunji. Ba yandikana kubikkwa kwa Bulowa, bwa Kalivari, oko kuyo bapa Bulowa, buvubide bwabwami, ku babamba kweenda mu ciyanza cakale, Muuya Uusalala waka pumbula nzila ya Leza. Eco ciyo bapa cintucimwi caku ponena, kubapa kaanzambwene ako kayo babamba kweenda mu cinkozya ca Mwami wabo.

⁸⁸ Kuli lwangu, ikuti Ne kajisi kusala kwangu, Ndi yanda kuba mbuli Mbwa kabede. Wa kaboola kuba mweembezi, alimwi Wa kali mweembezi. I mweembezi ngo umwi uunka kutobela mbelele zyakwe.

⁸⁹ Cifwanikiso cizizilwe, Nse yeeyi kuti tuli cijisi aa bwaanda bwesu awa, pele Nda kakkala mu kaanda kangu a ku cilanga. Nse konzyi buya kwiita zina lya muna arti ku ciindi eci. Pele cindi na kaswekelwa eyo mbelele, niini iisiya, alimwi ula siya makumi ali fuka afuka a kuunka kuyo iyandaula, ino ulacita nzi? Wa kasweemuka kwiinda mu nkanda. Wa kalitenda mwini a ziyasabamvwimi. Ula inda mu ntenda. Kusobelela konse masiku. Kusikila, kumalekelo, kulaale kunselelo ku lubazu lwa mulundu, kalengelela muni lya citeo ciniini, kabikka buumi bwakwe mwini mu ntenda, ula sika a kubweza mulombwana muniini wakawa kuzwa mu ciimo cawo, mpawo ula cijosya kuli lwakwe.

⁹⁰ Alimwi muna arti umbi wakapenta cifwanikiso cakwe kacileta ku muunzi. Lino, kuboneka mbuli kuti mweembezi wakali kunga wajala kuboko kwakwe kuni lya mbelele, a kotalika kwiileta mbuli *boobo*. Pele sena mwakabona nzila

muuya mbowa kajata bbulasho ya muna arti? Ta kaibikka kunkwa yakwe. Wa kaibikka ku makuko akwe. Lino Ndi yanda kuti mubone kumamela kwa mweembezi oyū.

⁹¹ Lino, Jesu, cindi Na kali kutanda badyabulosi, Wa kati Wa kacicita a munwe wa Leza. Lino, ikuti na dyabulosi wakupenzya, cintu biyo nco citola, ca Leza, walo—walo buyo—walo ngwa ansi loko mane Walo ubweza buyo munwe Wakwe a ku kawaala.

Pele cindi mbelele zyasika ku muunzi . . .

⁹² Cili kuli cibeela ciyumu loko ca muntu? Koonse ku ziwezo zyakwe. Nywebo mula bona obo muntu, lyoonse, ziwezo zyakwe zipati kwiinda? Ino mpaali mpa konzya kubikka mukuli wakwe mupati maningi? Aatala lya ziwezo zyakwe. Mpaali awo mpali masimpe loko? Cindi mukuli wanoolo a ziwezo zyakwe.

⁹³ Aboobo ula bweza mbelele, akwibikka ku ziwezo zyakwe, a cabuuya kweenda kujoka a njiyo. Zyoonse inguzu zya Leza, kazili vungaidwe mu mulombwana oyo, muniini waka sweeka, ku mujosya. Pele dyabulosi, cabuteteete loko, Ula utanda ncobeni, a munwe Wakwe. Walo mweembezi.

⁹⁴ Mweembezi weelede kusweeka, kuti akajane basweekede. Elyo mweembeli mubotu mweembezi. Mukasimpe, i—i bbala *mweembeli* lyaamba “mweembezi.” Elyo ziindizimwi, mu mbungano, ii—ii kakamu kanguzuuzu na kakamu kaniini kayo buka mu mbungano; lubazu lomwe luyo jana nzila yomwe, a lubazu lomwe nzila imbi. Ii mweembezi, wini uyo unka kakamu ako ka bantu, (Ku citaanzi?) ku bajosya. Mweembezi, wini uusyomeka, ino ucita nzi? Uyo sweeka, mwini, (Ncinzi cakucita?) kujosya basweekede. Ino ucita nzi? Uli mukutondezya cinkozya ca Mweembezi mubotu, kusola kujosya buntu obo. Nekubaboobo, ba kazwa mu busena bumwi, mukwesu, mbuli mbo bakali kuunka kuyo zapaula inyika, busiku boonse. Oyo mweembeli uyo zumanana ncobeni, kutegwa aka babambe kabotu, kubajosya nkoonya ku nzila eyi alubo. Oyo mweembeli mubotu. Uli mukutondezya cinkozya ca Jesu.

⁹⁵ Mukwesu, Ndi lizi citegwa nkuleya. Ci tegwa ciimo cakwiindilizya. Pele ikuti ni Nda jisi kusala kwa kucita, sunumasiku, kusala kwangu inga kwaba kwakuba mbuli Nguwe. Ndi yanda, ikuti na kufumbwa cintu mu buumi bwangu, kutondezya cinkozya ca Mwami Jesu, buumi bwangu.

⁹⁶ Ndi inka, kwamana juunza masiku, kwaakumana mucado oyū, Ndi inka mu nkanda. Nda amba kukkala alya, nkaambo, kungsi kwini kwa buntu bwangu, Nda limvwa kuti Ndi yandikana kweenda muni a Leza, kwinda Mbwe bede. Ta ndiyandi kweenda buyo. Ndi sola kweenda kabotu, kumbele Lyakwe, pele Ndi—Ndi yanda kweenda muni loko a Nguwe. Kuciindi Branham Tabernacle noijisi lubukululyo, Ndi yanda lomwe, lwangu. Nse ciyandi kucitika mu buyake. Ndi yanda kuyo citika muli ndime. Ndi yanda kweenda muni loko. Ndi yanda

kunji kwa Muuya Uusalala muli ndime, kutondezya Kristo muli ndime. Ndi yanda kuba mbuli Nguwe. Ndi lizi kuti oonse Munakristo wini—wini uyanda kuba mbuli Nguwe. Oko nko kuyanda kwa moyo wangu, kuba mbuli Jesu. Wa . . .Baa, Ndi yanda Nguwe kuba wangu. . . Ndi yanda Nguwe kuba i . . .Walo mukozyanyo wa ceeco Nce yanda kuba.

⁹⁷ Elyo, amulange, ciyo tola Muuya Uusalala kucita ceeco. Eco nce cintu cilikke cikonzya kucicita. Nse bikkilide maanu mu maseminari aceeco muntuumwi nca elede kundaambila. Ta ndikwe makani kujatikizya kumyonta kapingano, na kuba kwela ku moyo wako, na kwaamba mipailo ku bafu. Ndi yandisya cintu comwe, nkokuti, kunji kwa Muuya Uusalala kweendelezya William Branham. Nse bikkili maanu mu kusangana mbungano mpati kwiinda Nje zulilwa. Ndi zulilwa ku Mbungano iini ya Leza muumi, Mutaanzi kuzyalwa. Nda kazyalwa muli Nguwo. Elyo Ndi yanda Muuya Uusalala munji mu buumi bwangu, ku kutondezya Kristo Oyo Ngwe yanda. Ta ndikwe makani ndeke na ciimo Nce ndeelede kusika, ku cijana. Ta ndikwe makani na Nde elede kuunka *awa* na kuunka *okuya*, kutegwa “sikwiindilizya, mubumbulusi uusalala,” kufumbwa mbo cinga caba. Ndi yanda Buumi Bwakwe bunji bwa kutondezegwa. Nse bikkilide maanu mu ndeke Nde elede kusika. Ndi la yandisya Muuya Uusalala, kutegwa inga Nda ba mulanda loko mbuli Mbwa kabede. Wa kali Mulanda wa Mwami. Ta kaboolela kukutaukilwa, na kukutauka, taakwe kuboolala Nguwe kukutaukilwa. Pele, kukutauka ku, Wa kabweza busena bwa mulanda.

⁹⁸ Elyo ikuti na Mwaami wa Julu wakonzya kucita ceeco, alimwi tuli zizo zya Mubili Wakwe, toonse atube mbubonya; kutali kuba wiimpene, pele kulibombya lwesu mu Busyu Bwakwe. Tacikwe makani eco nyika nco yeelede kwaamba, na bantu bapampu, muta yeeyi cintu kujatikizya eco. Kotambula buyo kunji kwa Muuya Uusalala, a kuba mbuli Jesu. Mubombe, calubombo, cabuubauba, kabweza busena Bwakwe, nkabela Uyo bweza bwako ku Lubeta.

Atu kotamike mitwe yesu kwakaindi kaniini buyo.

⁹⁹ Sa inga Nda bona, sunu masiku, nkamu ya maanza mu buyake obu, ya zizo zya mbungano eyi a mabungano aambi? Cindi Nda amba, “eyi mbungano,” Ndi pandulula buyo . . .Kuli Mbungano yomwe luzutu, eyo ni Mbungano ya Kuzyalwa kupya, i Mbungano ya Mutaanzi kuzyalwa, i Mbungano ya Jesu Kristo, oyo uuta zyedwe kuzwa ku nyika, pele wakazyalwa ku Muuya wa Leza. Sa inga Nda bona cikama ca maanza kuya mujulu, a kwaamba, “Leza, ndibambe mbuli Jesu. Ndibumbe, O Mwami. Kondi sanzya, O Leza”? Leza alongezye myoyo yanu. “Kondi salazya, nkabela Njo tuba buu kwinda caanda.”

¹⁰⁰ “Mwami, kuli kupilingana kuniini a kupilauka mu buumi bwangu. Ndali kkede, nkeswiilila ku Mukwesu Parnell, a Mukwesu—Mukwesu Neville a bakutausi bamwi babotu, a Mukwesu Collins a bunji bwa bakwesu abo bakambauka. Nda kali kuswiilila. Pele, Mwami, sunumasiku, Nda boola buyo ku kumaninizya oku: Ncinzi ncoba ndaambila? Ino ncinzi ncoba sola kundi tola? Nda bona kuti bali mukusola kundibamba kuba mbuli Jesu. Elyo kwiina nzila kuli ndime ya kucicita. Ndi—Ndili siluwe. Ndi jisi tubata, alimwi, ikuti na Nda mwaankuta, Ndi tubamba kutubisya. Baba buyo antangalala loko ku nyika. Mwami, andi lipe cakumaninina. Ta ndikwe makani musyobo wa kunyongana mbo kuboneka, ku inyika. Ndi yanda kuzyalululwa, kwa Muuya wa Leza. Elyo Ndi yanda Nduwe, Mwami, kundi zuzya, sunumasiku, a Muuya Uusalala Wako. Kondi sanzya. Kondi salazya. Bweza Bulowa bwa Jesu, kondi salazya, kondi salazya. Elyo kondi zuzya, kusikila Nda lisweekelwa lwangu, a ku cijana, Mwami, muli Nduwe.”

¹⁰¹ O Mwami Leza, Mulengi wa majulu a nyika, Oyo wakabusya alubo Mwami Jesu kuzwa ku bafu, ka Mu leta kwiinda ku Muuya uu pononosya wa Leza Uutamani, kaleta mubili oyo Ngo mwaka kkalilamo, alimwi wa ubusya ku Cuuno cabwami ca Julu.

¹⁰² Wa kaboola kuli bansi maningi abo bakaliko mu nyika, basibwaamu, akuba mulanda waansi loko, wa kaunka ku munzi waansi loko, kabeleka a bantu baansi loko, katambula zina lyaansi loko, akuba mucete maningi wa bacete. Akwalo ku bulenge, “I bayuni bali jisi ziteente, a bamwaaba bakali jisi malyango, pele Mwana wa muntu taka jisi busena bwa kulazika mutwe Wakwe.”

¹⁰³ Elyo, nekubaboobo, oyo Muuya uu pononosya Oyo wakalemeka Mulanda oyo wakasimpe wakali bamba Mwini kuba mulanda, kutegwa tube a mukozyanyo wa kwiinka awo, Wa ka Mu busya kuzwa ku malindi aa gehena, wakaletwa mukati kwiinda ku cuumbwe. Elyo wakaleta mubili oyo, a kuubikka mu Majulu aa majulu, kusikila Wa sumpulwa mujulu loko mane Wa kalanga ansi kubona majulu. Elyo ka Mu pa Zina lilaatala lya mazina oonse akaulikwa, mu majulu a nyika.

¹⁰⁴ Mwami, akube kuti tu tambule Muuya Wakwe, sunumasiku. Eyo aibe nzala ya myoyo yonse omuno. Yebo wabona maanza ayo aatanta, Mwami, kutali kwaamba tuyanza twabuzumini, na kutali kusangana mabungano, na—na kukwankwana aa zintu ezi, na eco, pele kuba mubombe mu myoyo yesu, kuti aka kozyanisigwa mu cinkozya ca Leza. Akube kuti cicitwe ku Muuya Uusalala, Mwami. Akube kuti Muuya Uusalala wa Leza utubambe. Kutali kwiinda ku muzeezo wa bupampu, kuti, “Tu leelede kuba, alimwi tuyo lilemeka mbuli ncico,” pele, oyo muvwanda wakasalwa kulelwa. Pele, Mwami, akube kuti cicitike ncobeni kwiinda ku Muuya Uusalala, alimwi Kuzyalwa

kupya oko kula tucinca, kwiinda ku kubukululusya kwa i . . . kwa muuya wesu, kutubamba mbuli Nguwe.

¹⁰⁵ Komvwa mupailo wangu, Mwami. Uli kompeme. Ndi lizi, Mwami, uli kompeme. Kutali buyo kuti Ndi kombela abo bata tambika maanza abo, pele ku maanza angu eni ayo atambikwa. Kondi bamba mbuli Nguwe. Leza, takukwe makani eco Nco elede kucita kuli ndime, ezyo ndeke nzyeelede kutanta, kundibamba mbuli Nguwe. Ndi yanda kuba mbuli Jesu, mu moyo wangu. Ko cipa, Mwami. Elyo kutali buyo ndime, pele kubamba boonse aba awa, sunumasiku, boobu. Ko cipa, Taata, nkambo twa cilomba mu Zina Iya Jesu. Amenii.

¹⁰⁶ Bumembala bwa mbungano buli kabotu. Nse jisi cintu cakucilwana na cimwi ca zintu ezyo. Pele, mukwesu, kuba Munakristo, caamba ku kozyanisigwa ku cinkozya ca Kristo. Tu yanda kuba zikozyano zipona; kutali kuba a cinkozya, pele kuba cinkozya ca Mwami Jesu.

¹⁰⁷ Kuli lwiimbo luniini olo Ndwe yanda kuti mudi gwasye kwiimba ndyoonya lino. Ta ndizi. Nse konzyi kuyiimba, pele Ndili masimpe nyoonse mulakonzya. Amudi gwasye. *Kuba Mbuli Jesu*. Mbangaye bakasola kucimvwa? Ndi lizi toonse tu yanda kuba mu nzila eyo, aboobo atu yimbe kuli Nguwe.

¹⁰⁸ Ndi lizi kuti Muuya Uusalala mupati mpouli ano. Inga toyuba. Davida wakati, “Nda bamba bulo bwangu mu gehena, nekubaboobo Uyo oba ko.” Elyo Uyo oba ku masena onse. Aboobo, Uli mpoonya awa, sunumasiku. Uli zyi bweende boonse, micito yoonse, zintuzyonse nzo tucita, kulanga koonse, miyeeyo yoonse. Uli zyi koonse kujatikizya ncico. Sena tamu syomi eco?

Abobo kuba mbuli Jesu, kuba mbuli Jesu,
Aa nyika Ndi yandisya kuba mbuli Nguwe;
Kwiinda moonse mu lweendo lwa buumi
kuzwa ku nyika kusika ku Bulemu
Nda lomba buyo kuba mbuli Nguwe.

¹⁰⁹ Sena mula ciyanda eco? Amuswiilile kuli ceeci lino:

Kuzwa ku cilido ca Betelehemu kwa kaboola
Mweenzu,
Aa nyika Ndi yandisya kuba mbuli Nguwe;
Kwiinda moonse mu lweendo lwa buumi
kuzwa ku nyika kusika ku Bulemu
Nda lomba buyo kuba mbuli Nguwe.

¹¹⁰ Nywebo mulizi eco cijokela mu mizeezo yangu ndyoonya eno? Ijilo, Nda kabweza sikusololela mudaala wa mbungano. Ca kali . . . Nse kacibona. Ee, mukasimpe, nciindi citaanzi Nce kasola kulanga muli ncico. Nda kacita kucibelesya cindi mbungano niya katalika lutaanzi. Elyo kwakali zina Iya Mukwesu Seward okuya, elyo kwakali Mukwesu George DeArk, a Mukwesu Weber, mazina onse awo. Nda kabona kuselelo, nkamu niini ya kwiiya Munsondo. Nda kabona mulumbo wesu

umaninide, wa misela yosanwe, yakali dollar a maseenti ali makumi ali cisambomwe, ku cikombelo eci, a myaanda bakkede awa; dollar a maseenti ali makumi ali cisambomwe. Mwabona? Mpawo Nda langa ku chaati ya sunu. Nda kayeeya, “Mbangaye bakaunka!” Nda kabona Mukwesu Frank Broy okuya, ma. Oyo ngu tatazyala. Nda bona boonse basikale, Muka. Weber. Boonse basikale, boonse baka tanta manela, kainka abuyake bwaatala. Boonse bakaunka. Nda yeeya cindi nitwakali kwiima awa. Elyo Nda kayeeya, “Mwami Leza, mbungano yesu inga yaboneka kabotu aniini, alimwi tulangila buyake bumwi bwa buyake, pele, Mwami, sa Ula tu yanda kwiinda Mbo kacita kaindi?” Peepe, Nse syomi kuti Ula cita.

¹¹¹ Cindi nitwakali kunga twaima a kwiimba, “Ndi yandisya buyo kuba mbuli Nguwe, lweendo loonse lwa buumi.” Nda konzya kubona George muniini mudaala a kkola lyakwe kali jukide mbuli *boobo*, a kuzwa nkasaalo kailoka kuzwa kuli nguwe, ufulida katambala kakwe akati ka tunwe twakwe. Nda konzya kubona masyu ayo, mapati abasalali kusule okuya, kabalila, a maanza abo mujulu.

¹¹² Bakambausi bakeenda mu buyake a kwaamba, “Yawe, mulombe! Mbobuti mbo njizya bantu mu kuzuminana komwe mbuli obo?”

¹¹³ Nda kati, “Nse jisi cintu cakucita a ncico. Ba kabumbwa akucinewa kuba cinkozya ca Leza, ansi ku benchi yakaindi ya makwa aasaha, ansi kulaale kumwi, oko nkoba kajana Kristo mu moyo wabo.”

¹¹⁴ Ino mbweema bununkilila kabotu, eyo mipailo, mbuli buya katanta, cakuzumanana, masiku onse. Twa kali kunga ciindi cimwi twanjila, a kuya ku ng’anda ya umwi aumwi, a kuya ku muunzi ku kupasuka kwa buzuba; kukomba masiku oonse. Ta tujani kusinizya limbi. Kuboneka mbuli kuti koonse kwamana. Ino ndipenzi nzi? Ino ndipenzi nzi? Atu jokele ku luyando lutaanzi ndo twa kajasi.

Elyo kuba buyo mbuli Jesu, kuba mbuli Jesu,
Aa nyika Ndi yandisya kuba mbuli Nguwe;
Kwiinda moonse mu lweendo lwa buumi
kuzwa ku nyika kusika ku Bulemu
Nda lomba buyo kuba mbuli Nguwe.

¹¹⁵ Sa inga wacita ncobeni? Atwi imbe a maanza anu mujulu.

Kuba buyo mbuli Jesu, kuba mbuli Jesu, (Kuba
mbuli cinkozya Cakwe!)
Aa . . .

Amu yandane.

. . . kuba mbuli . . .

Tuli zizo zya Mubili Wakwe. Twe elede kuba mbuli Nguwe.

Kwiinda moonse mu lweendo lwa buumi
kuzwa ku nyika kusika ku Bulemu
Nda lomba buyo kuba mbuli Nguwe.

116 Sena muli cisinizizye ncobeni eco? Amwaambe, “Ameni.” [Mbunga yaamba, “Ameni.”—Mul.] Lino sa oyo tali muuya mubotu? Inga ndasala kuba a Nguwo kwiinda cintu cili coonse Nce zyi mu inyika. Nda... Mula konzya kubweza zyoonse zimbi zya inyika, a bweebesi bwayo, bupampu bwanu boonse, madokotela aanu oonse, ma rabbi, mabishopo, matata aasalala. Ko ndipa Jesu. Mbo mbubo. Kondi lekela buyo kuba a Nguwe, nzila eyo ya ciyanza cakale. Nda Mu mvwa kulaale kuni kwa moyo wangu, a kulangilila maumi angu, a kubona kuyandisya kwangu nkwa kubelekela Nguwe, mubombe, silubombo a mutete. Nce ncico nco tu yandikana, beenzuma. Ngu ku- . . . Oyo ngu Jesu. Oyo ngu Jesu wa Bbaibbele. Kutali Jesu wa bupampu, pele Jesu wa buntu. Uli waano, sunumasiku.

117 Mbangaye bacisidwe a babulide? Amu tambike maanza anu, bayandikana Kristo. Uli cisidwe alimwi uyanda kukombelwa? Amunyamune maanza anu mujulu, mujulu, kutegwa Ndi konzye kubona na nduweni.

118 Ee, mbangaye bajisi kuyandisya mu moyo wabo, ku kombela muntuumwi umbi oyo ucisidwe? Atu bone maanza aanu kaatanta. Ncibotu. Kuli basyoonto loko babo.

Mbangaye basyoma kuti Jesu ucili mbubonya?

119 Ta tujisi makkaadi aa mipailo kubusena. Ta ndi . . . Takukwe makkaadi aa mipailo, sena nkwaali? Ta ndi yeeyi kuti aliko.

120 Sena mula syoma kuti Jesu Mufutuli wesu inga wasika, sunumasiku, kuli ndiswe? Elyo ikuti na twaimba, elyo Nda ambaula zya kutondezya cinkozya Cakwe, ino inga Wa citanzi ikuti na Wa kaima awa? Sena muyeeya kuti inga Wa cita mbuli Mbwa kacita muli Johane 4, awo Mpa kabona mwanakazi ku mukalo, a kumwaambila, kuziba eco cakali mu moyo wakwe, a ku cipandulula kuli nguwe, a ku mwaambila? Elyo waa kalizi kuti Wa kali Mesiya. Mula syoma obo? Mula syoma kuti nguwenya Jesu oyo—oyo Mupaizi Mupati . . . [Kabeela katakwe cintu aa teepu—Mul.] . . . janza lya Leza. Mula syoma kuti nguwenya Jesu, sunumasiku, kuti keenda ambali buzuba bumwi . . .

121 Elyo kwakanyina mundando wa mipailo, pele kwakali mwanakazi muniini oyo waka jisi penzi lya kuzwa bulowa. Waa kalisyanikizya kwiinda mu nkamu ya bantu kusikila waa kaguma cikobela Cakwe, wakajoka a kukkala ansi. Elyo Jesu wakanyona a kuti, “Nguni wa Ndi guma?” Mula syoma kuti Jesu ucili Jesu nguwenya sunu? Elyo kuyandisya kwakwe, mu moyo wakwe! Mwabona, waa kali yoowede. Waa kajoka a kukkala aans. Waa kalindila. Elyo Jesu wakati, “Nguni wa Ndi guma?”

122 Elyo i—i. . . Petro, muapostolo, waka Mu tapatila, a kuti, “Mwami, baa, bantubonse bali muku Ku guma!”

123 Wa kati, “Iyi. Pele oku kwa kugumwa kwandeene. Nsana yakazwa muli Ndime. Nda—Nda ku mvwa.” Elyo Wa kalanga koonse, kwiinda mu nkamu ya bantu, kusikila Wa kabona mwanakazi oyo muniini. Elyo Wa kamwaambila kuti waa kajisi cilwazi cakuzwa bulowa a lusyomo lwakwe lwaka muponya.

124 Sa oyo ngu Jesu? Sa. . . Sa inga twalibombya tobeni, sunumasiku, a kuba kucincwa kwiinda ku kulengulula muuya wesu, kwiinda ku Muuya Uusalala, kuti inga twapa milomo yesu, meso esu, a lusyomo lwako, a lusyomo lwangu, kuti inga Uyo zwa mu nkamu ya bantu a ku njila muli nduwe, a ku njila muli ndime, ku kuzulizya Ijwi Lyakwe, kuti Walo Mupaizi Mupati waku lyaambilila kwesu? Uli kkede ku janza lyalulyo lya Leza, ku kubamba nkombelezyo aa kulyaambilila kwesu. Walo akwalo Mupaizi Mupati uukonzya kugumwa nzila njionya Mbwa kabede cindi Na kali ano aa nyika, kwiinda ku kulimvwa kwa kulengauka kwesu. Sena mula syoma obo? [“Ameni.”] Oyo nguwenya Jesu.

125 Mbangaye muno bajisi kubula kwanu na muntuumwi umbi, bamwi banu abo Mbe tazi, muntuumwi oyo ngozi kuti Nse zyi boobo? Ndiyo caamba mbuli boobo. Nse zyi cintu kujatikizya nduwe na nkumbizyo yako. Pele mula syoma kuti Jesu uli waano kuli kozyanya Mwini, ku kulibamba kulibonya Mwini kuli ndiswe, ku beleka muli ndiswe nzila njiyonya Nja kacita cindi Na kali muli Jesu Kristo. Sena mula syoma obo? Amunyamune maanza anu mujulu, kufumbwa wanu uuzi kuti Nse muzyi lino. Mwabona? Nse muzyi.

126 Ee, atu bone. Mpaali mpo tukonzya kubikkila maanu, ciindi citaanzi? Lino amubatame. Ikuti na Uyo cita eci, sa uyo Mu syoma, a moyo wako oonse? Mwabona? Nda limvwa buyo. . . Ndali kuyanda ku mwiita atala awa a kubikka maanza ali ndinywe. Muta syomi kuti Ndiyo cita ceeco. Nda syoma Jesu mpali ano.

127 Swebo, kutali ku—kutali ku bweza cinkozya Cakwe, pele kuba cinkozya Cakwe. Oyo ngu Jesu ngo tu yanda. Embo na? Kuba cinkozya! Yaa.

128 Lino, Mwami Leza, nkaaka kaambo kapati. Pele Nduwe, Mwami, Oyo wakapanga cisyomezyo. Lino tweelede kubindaanina kumbele. Lino cintucimwi ceelede kucitwa, nekubakuti tatuli kabungwe akwalo. Tuli buyo nkamu ya bantu, baniini, babombe abacete baka fumpwa, kuti, bunji bwesu inga twa tandwa kuzwa mu mabungano, abupampu. Ikuti na twa kaunka, inga tee twa sama mbuli mbo bakacita. Elyo mpawo, cintu cimbi, ikuti na inga twa buka, nkabela Muuya inga walongezya nkabela inga twaamba kuti, “Ameni,” mbuli Magwalo mbwaamba, inga twa tandwa, cakufwambaana. Elyo

banji niba taka tambulwa: bamwi babo, nkaambo ka mubala wabo; bamwi babo, nkaambo ka buzumini bwabo bwabukombi; bamwi babo, nkaambo kakuti bala Ku yanda maningi. Elyo ba—ba jisi Muuya. Bali fwide ku zintu zya inyika, alimwi baka zyalwa cabupya. Pele bali jisi Buumi bupya, Buumi bwa mulanda.

¹²⁹ Pele twa bungana kuno, Mwami, kungsi lya ciluli eci ciniini eco Nco katupa, eco nco tulumba. Lino, Mwami, acizibwe kuti Nduwe Kristo, mbubonya, alimwi kuti oyu Umwi mupati ngo twali kukanana, Nkwali lino kuzibya a kucita mbubonya buyo Mbwa kacita cindi Na kali waano aa nyika. Ko cipa, Taata, kuti bakonzye kubona a kusyoma. Nkambo Nda cilomba mu Zina lya Jesu. Amenii.

¹³⁰ Sena ula syoma obo, eco nco lomba, ula jana? Ino lusyomo ninzi? Lusyomo mbwini. Lusyomo ncintucimwi eco ncozi kasimpe. Lusyomo tacili cintu nco yeeyela. Lusyomo nceeco ncozi, mwabona, cintucimwi eco ciboola ansi mu buntu bwako.

¹³¹ Nda lombozya abo bata ndizi, alimwi Nse muzi, alimwi ucijisi nkumbizyo na kuyanda, sa inga watambika maanza ako alubo. Ndi yanda buyo kujana i—i muzeezo mupati, muntu aumwi omuno oyo Ngwe tazi. Ncibotu. Cili ku masena oonse. Nse yandi kukanana ku bantu abo Mbe zyi, nkaambo bamwi inga bati, “Uli bazi.” Pele kuli maanza manji ayo ainka mujulu, ayo Nge takazi. Lino, ikuti na Mwami Jesu uyo cipa eci, sa bamwi banu bayo cisyoma a moyo wanu oonse, a kuzumina kuponesegwa kwanu a kufumbwa mbo kunga kwaba?

¹³² Akaka, atu—atu buyo, mu myoyo yesu, amukombe, “Jesu gwisya kudonaika koonse.” Baa, Jesu takonzyi kuzumbauzya. Ikuti na tuli mu cinkozya Cakwe, tula syoma. Wa kasyoma Leza. Wa kaboola kucita luyando lwa Leza. Ta kajisi makani eco muntu nca kaamba, na kufumbwa muntu umbi nca kaamba. Wa kaboola kucita cintu comwe: kuba muzike kuli Wisi Wakwe. Elyo Wisi Wakwe wakali kukkala muli Nguwe. Twa boola kuba mulanda wa Leza. I Muuya Uusalala ula kkala muli ndiswe. Tu yanda ku Mu belekela.

¹³³ Ndila bikkila maningi maanu aa mwanakazi, i—i mwanakazi uusiya uukkede nkoonya kusule awa. Nda syoma waa tambika maanza akwe, kuti Nse muzyi. Mukuba kuti—kuti. . . Ee, kuli bobilo babo okuya. Yaa. Taakwe umwi wanu nobalindu undi zyi, na Ngwe zyi? Ikuti na mbo mbubo, amutambike maanza anu, cakuti Nse muzyi. Amutambike maanza anu. Yaa. Ncibotu. Tuli beenzu kuli umwi aumwi. Mu Lugwalo, kwa kaambwa. . . I kaambo Nce kabona, muli. . . Mwakali bantu basiya. Mwabona?

¹³⁴ Kwakali mwanakazi, ciindi cimwi, mu Bbaibbele, chipati ca 4 ica Musalali Johane. Jesu wakasika kwiinda ku mukalo, alimwi kwakali mwanakazi muna Samaria. Waa kali i—i mwanakazi wa mukowa waandeene. Elyo Jesu wakakanana kuli nguwe,

kaindi buyo kasyoonto, mane Wa kajana lyakali penzi lyakwe, a kumwaambila eelyo penzi lyakwe mbo lyakabede. Elyo cindi Na kamwaambila penzi lyakwe, waa kati, “Munene, Nda kuziba kuti Uli Musinsimi. Lino, tu lizi, cindi Mesiya aboola, Uyo twaambila zintu ezi.” Pele tiiba kamvwisya kuti Wa kalini. “Baa,” waa kati kuli Nguwe, “ino Nduweni?”

Elyo Jesu wakati, “Nde Ndime, oyo ukanana kuli nduwe.”

¹³⁵ Waa jokela mu muunzi, kuzwa oko nkwa kazwida, a kuti, “Amuboole, mubone Muntu Oyo wandaambila zintu ezyo Nze kacita, kandaambila eco cilubide. Sa oyo tali nguwenya Mesiya?”

¹³⁶ Sena nobanakazi mwakasola kubala ceeco? Masimpe. Musalali Johane, cipati 4. Ee, ikuti... Jesu ngu mbobuca nguwenya, sunu, amuya myaaka. Elyo uliimvwi mayaadi ali makumi obilo kuzwa kuli ndime, na kukkala, mubwini. Sena ula syoma kuti nguwenya Jesu, kakanana akati kesu, ula konzya kuyubununa kuli ndime eco nco yanda, kuzwa awa? Ikuti na Nda mwaambila Bwini, eli Bbaibbele kali luleme, Ula konzya kucicita, sa Ta konzyi? Ikuti na Uyo cicita, muyo cisyoma?

¹³⁷ I mwanakazi ku mamano, kalanga kuli ndime, nzila *eyi*, uciswa penzi lya musana ndya yanda kuponesegwa. Mbo mbubo ncobeni. Ikuti na mbo mbubo, tambika janza lyako, mulindu ku mamano. Mpaawo we.

¹³⁸ Lino ino kujatikizya nduwe, mulindu? Sena ula syoma, ayebo? Nda syoma waamba kuti wali mweenzu kuli ndime, akwalo, muni lyakwe. Yebo ujisi penzi a mutwe wako. Alimwi ujisi penzi lya lukanda, ayebo. Ikuti na eco cililuleme, tambika janza lyako.

¹³⁹ Lino, koya ku ng’anda. Nywebo nyobilo inga mwaponesege. Lusyomo lwanu lwa muponya.

¹⁴⁰ Sena mula syoma kuti Jesu mpali ano, sunumasiku? Ino kujatikizya ndinywe nobamwi, no ku buyake bumwi? Kubusena bumwi bumbi, amusyome.

¹⁴¹ Ngooyu mwanakazi uukkede awa, kakomba. Ngu silumamba. Ndili muzi, pele Nse konzyi kugwasya nkaambo oyo Mumuni ula lengelela atala lyakwe. Oyo ngu Muka Bruce. Lino, Muka Bruce, Nse zyi cintu kujatikizya cilubide kuli nduwe. Wa kaponesegwa, ku kkulenge, ciindi cimwi. Pele mpoonya awo aa mulyango oyo, ciindi citaanzi ni Nda kasola kusambalwa... kaambila... ku kubona koimvwi ku mulyango oyo, i Muuya Uusalala waka ndaambila cintucimwi eco muntu ncatazi kunze lyako a dokotela. Mbo mbubo. Embo na? Sena ula syoma kuti inga Wa ndaambila eco cilubide lino? Ndili kuzi, pele Nse—Nse zyi penzi lyako. Nse jisi muzeezo. Nkaambo, wa kaponesegwa ku kkulenge. Pele Nse konzyi kucinca Mumuni oyo kulengelela ali nduwe. Mwabona? Uli kkedede mpoonya alya.

142 Lino, Nda bona muntuumwi umbi kabuka. Tacili cako. Nca muntuumwi ujisi kkulenge. Mbo mbubo ncobeni. Elyo mpawo Nda bona mwanakazi, na cintucimwi. Ngu sizibi, na cintucimwi, kuba a cilengwa ca kunywa, na cintucimwi. Elyo ubikkide tutambala tobilo ali nduwe, kuli ndime kubikka maanza angu atala, ku kuvuna kwabo—kwabo. Oyo ngu MBUBOBU MBWAAMBA I MWAMI. Obo mbombubo ncobeni. Lino uli mubetesi. Sa mbo mbubo? Ikuti na mbo mbubo, tambika janza lyako.

143 Muntuumwi kusule *omu*, oyo Ngwe tazi, tambika janza lyako, muntuumwi oyo Ngwe tazi. Awa, kuli. . . Ino ncinzi eco? Tambika maanza ako alubo, moonya omuya mu kkona. Kuli banakazi bone na bosanwe bakkede alya. Sena ula ndisyoma kuba mulanda Wakwe? Sena ula syoma kuti eco nco bona capandulwa ku Muuya wa Leza? Ula cita? Ikuti na wakonzya kusyoma.

144 Mwanakazi ukkede, ulangide andime, usamide ngowani niini, magilazi, macoco alibonya kutuba. Iiyi. Tacili canu nobeni. Nca muntuumwi umbi, alimwi bali mu ciimo cibyaabi. Nkuzwa bulowa bwamukati. Bali mu cibbadela. Eco cibbadela nca New Albany. Obo mbwini. MBUBOBU MBWAAMBA I MUUYA UUSALALA.

145 I mwanakazi mukubusyi, sena wanyamuna janza lyako? I mwanakazi, lubazu *olu* lumbi, kandi langide nzila eyi, sena ula ndisyoma? Uli jisi kuyandisya ku moyo wako. Ula syoma kuti Leza inga wa ciyubununa kuli ndime? Yaa. Ukombela muntuumwi umbi, awalo. Muntuumwi ujisi mancenga ku meso abo. Ba yoowa kuti bayounka kabali boofu. Obo mbwini. Lino, ikuti na mula musyomena, ta koinka kali moofu ikuti na mwa cisyoma.

146 I mwanakazi nkoonya kusule kwini, ku mamanino awo, kusule kunze lya mwanakazi oyo watambika janza lyakwe. Ujisi bulwazi bwa kulibilika. Mbo mbubo. Kulibilika kwako kuli mu kameneno kako. Mbo mbubo. Embo na? Mpawo tambika maanza ako ikuti na ezyo zintu zili boobo. Nywebo no banakazi okuya, Nda ambaula. Yaa.

147 Wali ni mwanakazi watobela alya? Wali nduwe watambika janza lyako, ayebo, mucizi, alya? Tambika janza lyako, oyo wacipati. . . Yaa. Ujisi rheumatizimu mbo yanda kupaililwa. Mbo mbubo. Embo na? Tambika janza lyako. Ula syoma?

148 Muntuumwi—muntuumwi kusule lya mbungano, kosyoma, koba a lusyomo.

149 Nda bona mwanakazi kalangide nkoonya kuli ndime, ulangide akati ka banakazi bobilo mpoonya awa. Ujisi munwe wakwe ku mulomo wakwe. Walo uya kupandulwa, kwa muzindo. Obo mbombubo ncobeni. Ikuti na mbo mbubo, tambika janza lyako, mulindu. Ngooyo mbwabede.

150 Sena mula syoma? Ino ncinzi? Ngu Jesu Kristo, Mwana wa Leza. Sena mula syoma a moyo wanu oonse?

Lino, aniini buyo, mucizi.

Kuba mbuli Jesu, kuba mbuli Jesu,
Aa nyika Ndi yandisya kuba mbuli Nguwe;
Kwiinda moonse mu lweendo lwa buumi
kuzwa ku nyika kusika ku Bulemu
Nda lomba buyo kuba mbuli Nguwe.

151 Lino mwabona kufwa kwa mbungano ya buzuba buno. Ncinzi cakacitika mu mazuba aa Mwami Jesu, cindi nekwa kacitika? Oyo mwanakazi, waka kondwa loko, waa kalosya nongo ya maanzi, a mu muunzi waa kaunka. Waa kati, “I Mesiya uli waano!” Pele, sunu, iyyi, tomu jisi busofwi maningi, ansi aa cipaililo, kutambula Kuzyalwa kupya. Kuli cintucimwi cilubide kubusenabumwi. Oyo inga watuma Muuya Uusalala kwiinda mu busena obu awa, inga wa bamba lubukulussyo, citondezyo ca Jesu Kristo, cinkozya Cakwe caka kozyanya awa, keenda aakati ka bantu, kucita eco. Ino ndipenzi nzi? Kuli cintucimwi cibulide. Tu yandikana lubukulussyo.

152 Mbangaye bamwi bacisidwe? Amu tambike maanza anu, abo bacisidwe a babulide.

153 Amu bikke maanza anu ali umwi aumwi. Atu kombe. Cakubinda ncobeni lino, amu bikke maanza anu ali umwi aumwi, amu libambile kutambula kuponesegwa kwanu. Ikuti na uyo syoma a moyo wako oonse, inga waponesegeka ndyoonya lino.

154 Nda kagambwa. Twa kali kwaambaula makani aa mwanakazi, kuzyalwa. Nse nasola kuba, mu buumi bwangu, mwanakazi omwe, mbuli Mbwe zyi, kusola kweenda ku cibumbili, kuyanda muvwanda. . . Ncinzi cicitika? Ikuti na Nda konzya kumubona, a kucibona kacicitika, kusukamina kwakwe kwa cintu ciluleme, Nda mwaambila, “Mulindu, uyandaula muvwanda.”

Walo, “Iyyi, Mukwesu Branham.”

155 Ndi lizi mwanakazi, myaka ili makumi one afuka yakukomena, ujisi muvwanda musankwa muniini lino. Buumi bwakwe boonse, waa kapona a mwaalumi oyu kuzwida eelyo, ee, kuzwa kutandila myaka ili kkumi acisambomwe yakukomena. Ngu makumi one afuka, alimwi ngu cintu cimwi ca makumi osanwe. Mbwa kaambila buyo kuti, “MBUBOBU MBWAAMBA I MWAMI. Mbo mbubo, uyo oba a muvwanda oyu.” Waa kaunka ku muunzi a kuyoula zisani zya muvwanda. Myaka yotatwe yakainda, mukuba wa myaka iili makumi osanwe ayobile yakukomena, waa kazyala mulombe muniini oyo ngwa kali kuyandisya kuba awe. Nkaambonzi? Cindi naka cimvwa ka caamba, waa kalizi kuti cakali kuyo citika. Ino cakacita nzi? Caka mubikka mu kulanganya kululeme. Ikuti

ezi . . . I Muuya Uusalala mubotu loko kuboola a kukanana zintu ezi ku bantu. Ikuti na cayo . . . Ikuti na uyo njila mu kulanganya kululeme lino, kuponesegwa kwa mana.

¹⁵⁶ O Mwami, Nduwe Leza, alimwi Nduwe Leza kwalyoonse. Elyo tuli—tuli kkomene kapati kuziba kuti Wa kasyomezya kuti Uyo oba a basyaalizi cindi Wa boola ku nyika. Kakutakwe kulanganya eco ciinka na kuboola, kuyooba bantu abo bayo libambila. Tu lizi kuti kuli kwakkumi oko muntu nkwapu kuli Leza. Elyo kuli kwakkumi akati ka bantu. Antela, ndiza inga twaamba, bwakkumi, ca butebuzi bwa nyika yoonse kwiinda mu makkalo, bayooba Basale abo bakaitwa.

¹⁵⁷ O Taata, twa komba, mbuli mbo tubeleka okuno, toonse swebo antoomwe, kulingula moonse mu dolopo, kusola kunjizya basizibi, kusola kucita cintucimwi ca Bwami bwa Leza. Tula selemuka mu dolopo, tula langilila kancimwa. Tula cibona. Elyo mbuli Lota, mu Sodoma, ku tupenzya myuuya yesu abuzuba, kubona banakazi kabafweba misanga yatombwe elyo—elyo kabataminina kuba Banakristo, a kunywa, akulibotezya kwa mizeezo, a kusama zisani zyaabwaamu. Elyo—elyo bantu kabasukamina. Elyo, oh, cibi ca Sodoma! Myoyo yesu ya bijilwa muli ndiswe, Mwami.

¹⁵⁸ Oh, ta cigambyi lusyomo lulaboola aa kaato kaniini, cindi bantu noba cili boobo, kababula Bulowa bwa Jesu. Kuti basalazye myuuya yabo akubapa kusukamina Leza, nekubaboobo taba kabutambuli. Elyo mamissioni maniini ali mu makkona, kauma nsaka a ngoma, ali mu makkona abo, alimwi bali muku tusekela mukuleta basalali ba Leza muumi.

¹⁵⁹ Oh, obo mbotu Ku lumba, Taata, ku ndeke imwi, kubusena bumwi, iyo kambauka Makanimabotu, uyo tambikizya maanza ku bantu. Kopa, Mwami, ndyoonya lino mbuli mbo tukomba, a kuziba kuti Muuya Uusalala Wako mupati a Baangelo bali—bali mu masena abo okuno mu mbungano eyi.

Leza, kojatila zibi zyoonse.

¹⁶⁰ I bantu bali cisidwe okuno, sunumasiku. Kuli banji babo. Wa litondezya Lwako kuba kookuno, Mwami, kwinda mu balanda Bako. Bunji bwabo ku masena kuya abo bakali kusika a kwiita a kukwela. Elyo, Mwami, Yebo ulizi kuti—kuti Nduwe Umwi luzutu Oyo uukonzya kuzumizya eci kucitwa. Nduwe Leza, alimwi Leza alikke, alimwi Ula cicita ku bukanze mbubonya obo Mbo kasyomezya kuti Uyo cicita. Elyo ncitondezyo camamanino ku mbungano, mbuli Mbo kaamba. I ciindi camamanino casika.

¹⁶¹ Mpawo Wa kabuzya mubuzyo oyu, “Sa Ndiyo jana lusyomo cindi Nda kusika aa nyika?” To kabuzya kuti, “Sa Ndiyo jana mamembala aa mbungano? Sa Ndiyo jana buzumini bwabukombi? Sa Ndiyo jana kusinizya?” Yebo wakati, “Sa Njo jana lusyomo cindi Nda kusika aa nyika?”

¹⁶² Mwami, akube kuti bantu aba baciswa balekele lusyomo lwabo lwaanguluke, kuzwa ku kunyongana, a kuzumbauzya, a kuyoowa. Akube kuti lusyomo lwabo luanguluke ndyoonya lino. Elyo ikuti na baangulula lusyomo lwabo, malwazi ayo elela kwaangulula, dyabulosi uyo siya kujata kwakwe, nkabela bayo angululwa ku Nguzu zya Leza Singuzuzyonse. Lekela Muuya Uusalala uusitikizya myoyo yoonse, kubapatizya buntu boonse, a kuponya mibili yoonse eyo iili mu Busyu bwa Buleza. Ko cipa, Mwami.

¹⁶³ Nambo Nda cilomba eci, kuti dyabulosi azwe ku muntu onse ngwa penzya omuno, sunumasiku. Mu Zina Iya Jesu Kristo, Saatani, kolyangulula kuzwa ku bantu aba. Mbuli mulanda wa Leza, Nda lila mu cibaka cabo, ku balombela luse. Ameni.

¹⁶⁴ Mbangaye basyoma a moyo wanu oonse lino, a koonse kuli muli ndinywe, kuti Jesu Kristo ulalitondezya Mwini aa nyika sunu akati ka bantu Bakwe? Sena mula Mu yanda?

¹⁶⁵ Mpawo atwi imbe lwiimbo olu lwakale antoomwe, *Nda Mu Yanda*. “Nda Mu yanda nkaambo Wa kasaanguna kundi yanda.” Toonse antoomwe, kuciindi no twiima eno. Bantu boonse eno, boonse antoomwe. Mbangaye bacizi? Amu tambike maanza anu. *Nda Mu Yanda*. Atu Mu kombe lino.

¹⁶⁶ Balwazi boonse, boonse bapengede, amwiime ku matende anu lino, amutambule kuponesegwa kwanu. Nda syoma, alimwi a moyo wangu oonse. Ikuti na uyo lekela buyo lusyomo lwako kuunka, ndyoonya eno! I Kristo wa Leza, Oyo uuliko eno, ngwa ku. . . Ino Uli mukucita nzi? Ku tubamba cinkozya Cakwe. Mwabona? Muuya Wakwe awa, kulitondezya Mwini nkoonya kuli nduwe.

¹⁶⁷ Lino, nywebo mulizi kuti nseli ndime. Ta ndizi bantu abo, kufumbwa na bakali bani, abo batambika maanza abo. Ba tambika maanza abo, kuti tiiba ndizi. Elyo Nda tambika maanza angu, Nse bazyi pe. Pele Leza uli bazi. Ino ncinzi?

¹⁶⁸ Ngu Kristo kalitondezya Mwini. Ndusyomo lwanu ku cisyoma. Lwalo ndusyomo lwangu ku mulimo, kuti Wa ka cisimpikizya kuli ndime kwiinda kuli Angelo; Uula cifwanikiso neo mubona, eco cilengelela mu mahoolo abukombi ajatikizya aarti, alimwi oko Nko cibede konse ku inyika, Cili zizilwe, i Musumpululu wa Mulilo waka sololela bana ba Israyeli.

¹⁶⁹ Cindi Na kaba mu mubili wabuntu, Wa kali mu ciimo citegwa Mwana wa Leza. Wa kati, “Nda kazwa kwa Leza a kuunka kuli Leza, kujokela kuli Leza.”

¹⁷⁰ Kwiinde lufu Lwakwe, kuzikkwa a bubuke Bwakwe, Paulo waka Mu swaana, mu lweendo kuyaku Damasiko, mu ciimo ca Musumpululu wa Mulilo, mu Mumuni oyo wakazima meso akwe. Paulo wakati, “Ino Nduweni, Mwami?”

171 Wa kati, “Ndime Jesu. Nciyumu kuli nduwe kusansa cibinzyo.”

172 Jesu wakati, “Ii kaindi kaniini, a inyika,” kosmosi, mabambe aanyika, mamembala aambungano, azimwi zimbi, “taba ka Ndi boni limbi, nekubaboobo muyo Ndi bona. Nkambo Mebo,” bbala lyaamba muntu cigaminina, “Mebo, Jesu nguonya, uyooba a ndinywe, akwalo muli ndinywe, kusika ku mamanino aa inyika. Elyo milimo Nje cita muyo icita anywebo. Minji kwiinda eyi muyo icita, nkambo Nda unka kuli Taata Wangu.” Ameni. Oh, ma!

Nda Mu yanda, Nda Mu yanda
Nkaambo Wa kasaanguna kundi yanda
A kuula lufutuko lwangu
Aa cisamu ca Kalivari.

173 Oh, kuciindi no twiimba eyo alubo, Ndi yanda ba Methodisti, aba Baptisti, aba Pentekoste, a ba Nazareni, a ba Pilgrimu Holinessi, mbungano ya Leza, nyoonse, nyoonse nywebo antoomwe, Ndi yanda kuti usukane maanza a muntuumwi kumbele lyako, a kusule lyako, a lubazu lwanu, kuciindi notu cicita lino. Toonse antoomwe.

Nda . . . (Leza aku longeze, mukwesu,
mweembeli.) . . . Mu yanda
Nkaambo Wa kasaanguna kundi yanda
A kuula lufutuko lwangu
Aa Kalivari . . .

174 Lino aya matobelanwa aa bubuke, “Swebo to baumi a basyeede tatu kabasinkili abo bafwide, nkambo mweembo wa Leza uyo lila nkabela bafwide muli Kristo bayo buka lutaanzi. Swebo to baumi a basyeede tuyo kwempwa antoomwe a mbabo, swaana umwi aumwi katutana ku Mu swaana. Swaana umwi aumwi katutana ku Mu swaana, kukwempwa antoomwe a Nguwe, a mbabo, kuyo swaana Mwami mu mulengalenga, boonse antoomwe.”

175 Lino twa kaswaana umwi aumwi, kasukana maanza kuli umwi aumwi, lino atu Mu juzye.

Nda Mu yanda, Nda Mu yanda
Nkaambo Wa kasaanguna kundi yanda
A kuula lufutuko lwangu
Aa Kalivari ya . . .

Amwi cese.

176 Mwanakazi mukubusyi wawa kuzwa mu mundando, boola atala eni akufugama ku cipaililo, kukwiila a kulila. Sa inga kwaba bamwi ano abo balimvwa kulamwa oko nkukonya, banga bayanda kufugama a nguwe? Inga twa botelwa kuli nduwe kusika nkoonya kutala a kubweza busena. Leza aku longeze, mukwesu. Sa inga umwi umbi wasika atala? Eco ncibotu.

Nda . . .

Ndibumbe, Mwami, akundi bamba.

. . . Nda . . .

Kuselemukila ku ng'anda ya Mubumbi. Muntu umwi umbi waboola kubweza busena?

Nkaambo Wa kasaanguna kundi yanda
A kuula lufutuko lwangu
Aa cisamu ca Kalivari.

Oh, sa Tali mubotuloko?

¹⁷⁷ Lelekewe Mwami, oyu mwanakazi mukubusyi Uli muzyi. Nse citi. Pele kuli cintu cimwi ceenzu caka muuma kaindi buyo kasyoonto kainda, kuti kuzwa ku nkamu eyo ya bantu waa kaboola, kakutakwe kusungilizya kuli koonse. Oyo wali Nduwe, Mwami. Waa fugama awa aa cipaililo, kuciindi bayandwa kabali muni, a maboko abo kaba mugwambatila. Kulomba luse, a bweenzyi, a nsana zya kumuuya, kuli nguwe. Aci citwe, Mwami. Kuli lembedwe, lino acicitwe, kuti, “Toka sisi cintu cibotu kuzwa kuli mbabo abo beenda cakululama kumbele Lyako. Zisyomezyo zyako nzya inzya a ameni, kuli boonse abo bayo Ku yanda nkabela bayo Ku tobela.”

¹⁷⁸ Amulekele mwanakazi mukubusyi azibe ceeci, nconzyo, sunumasiku, kuti kunyina cintu mu Majulu, eco caka syomezegwa mu Ijwi lya Leza, pele eco Leza nca yanda kwiinda ku citilila mu moyo wakwe moonya ku ciindi eci ncoonya. Akube kuti kube cibeela cikikutya caka pegwa kuli nguwe, kuciindi na kafugama cakuvundama ku cipaililo. Akube kuti Muuya Uusalala umupe zintu ezyo ziyandika mu moyo wakwe. Ko cipa, Mwami, nkambo twa lombamba eci mu Zina lya Jesu.

. . . Wa kasaanguna kundiyanda
A kuula lufutuko lwangu
Aa . . .

(. . . ? . . .)

¹⁷⁹ Oyandwa Leza, akube kuti oku kuyanda kwa mwanakazi kupegwe kuli nguwe, nkambo ka muyandwa wakwe oyo ngwa kayanda kapati. Akube kuti Muuya Uusalala mulemu ucite mulimo, oyo Ngwa konzya kucita ku ciindi eci. Twa cituula coonse kuli Nduwe; komba kuti . . . Buuya bwako mbubotu iinda buumi. Davida wakaamba boobo. “Nkaambo buuya Bwako mbubotu maningi kuli ndime kwiinda buumi, milomo yangu iyo Ku lumbaizya.” Kopa kuli nguwe kuyandisya kwa moyo wakwe, Mwami.

¹⁸⁰ Mbuli mbungano eyi, alimwi Mebo, mukutausi Wako, uyo . . . alimwi bakutausi bambi abo bali mu buyake, cakusinizya kulombela nkumbizyo yakwe. Mu Zina lya Jesu Kristo. Amen.

Twa utaminina, mucizi. Aku longezye.

181 Lino kuciindi bantu aba noba lisalazya lwabo, kuba bombya, lwabo, ku Mwami, kuciindi Muuya Wakwe noweenda mu buyake, inga Nda cita kuti inga twaima nji kwa kaindi kasyoonto. I mweembeli ula beleka ambabo aa cipaililo. Atube mu mupailo, kwa kaindi buyo kaniini eno. Ula boola ambali. Elyo atu yiimbe lino. Ula kanana kuli umwi aumwi.

182 Atu kotamike mitwe yesu, kutegwa tube mu mupailo.

A kuula lufutuko lwangu
Aa cisamu ca Kalivari.

Nda Mu yanda, Nda Mu yanda
Nkaambo Wa kasaanguna kundi yanda
A kuula lufutuko lwangu
Aa cisamu ca Kalivari.

Nda konzya, Ndiyo, Nda syoma,
Nda konzya, Ndiyo, Nda syoma;
Nda konzya, Ndiyo, Nda syoma
Kuti Jesu ulandi futula lino.

Nda konzya, Ndiyo, Nda syoma,
Nda konzya, Ndiyo, Nda syoma;
Nda konzya, Ndiyo, Nda syoma
Kuti Jesu ulandi futula lino.

Ndiyo Mu bweza ku Ijwi Lyakwe,
Ndiyo Mu bweza ku Ijwi Lyakwe.
Ula ndileta lufutuko caku taula
Elyo Ndiyo Mu bweza ku Ijwi Lyakwe.

Nda konzya, Ndiyo, Nda cita . . .

183 Amulange awa, mulombwana mukubusyi. Yebo yanda kweenda kusakene a Leza? Ula syoma kuti inga Wa cipa kuli nduwe? [I mukwesu waamba, “Iiyi.”—Mul.] Ikuti na uyo syoma a moyo wako oonse, inga wacitambula. Mwabona? Ula cisyoma na? [“Iiyi, munene. Nda cita.”] Wa cizumina? [“Iiyi, munene.”]

. . . syoma kuti Jesu ulandi futula lino.

184 Boonse abo ba Mu yanda, tambika janza lyako. Kwaamba, “Nda Mu yanda, a konse—konse kuli mukati kangu.” Sa Tali mubotu? Kuciindi notu kotamika mitwe yesu, mu mupailo buyo wakujala. . . Amuyeeeye kuswaangana juunza masiku. Ndiyo mubuzya, nku. . .

185 Ikuti na muyo cita lino, cakufwambaana mbuli mbo kukonzeka, umwi aumwi wanu watambika janza lyako ku lufutuko, kweenda muni loko, syoma kuti uli kujisi. Ikuti na to konzzyi kucimvwa, bweza mwana wakasalwa. Mwabona? Zumanana kwaamba kuti uli kujisi kusikila caba kasimpe.

186 Nywebo nomwa kazumina kuponesegwa, alimwi tamu limvwi lwandaano luli loonse; yebo wati, “Lusyomo lwangu—

Iwangu taluli kweelede ku lupusya ndyoonya lino, Mukwesu Branham.”

¹⁸⁷ Kobweza nzila kusala mwana wakulela. Kozumanana buyo kwaamba, “Mwami, Nda ponesegwa. Nda cisyoma.” Ciyo boola. Ciyo kubikka mu ciimo ciluleme, nywebo mwabona, elyo mpawo lusyomo lwanu luyo lulama. Ciyo citola. Ko cisyoma buyo a moyo wako oonse.

¹⁸⁸ Lino, juunza masiku, miswaangano iyo talika a seveni theeti, ciindi calyonse, juunza masiku, alimwi busiku abumwi mvwiki eyi. Kuyutuka a kumvwa Mukwesu Neville a bakutausi aba bamwi, aswebo toonse, antoomwe, abo basola kuleta lubukulusyo. Leza amu longezye. Ta tukonzyi ku luleta. We elede ku—we elede ku luleta a ndiswe, mu kukomba, kuboola, kubamba busyu bwako okuno. Leza abe a ndinywe.


¹⁸⁹ Lino, Ndi lombozya kuti nimwa cita, mwa mwaisigwa buyo, cakufwambaana mbuli mbo mukonzya, ku . . .kuzwa mu buyake. Tu jisi kutandila cisela caora ca kuwiiya iya okuno kuti kucitike. Elyo bamwi bantu bali mukubeleka. Elyo tuyo kotamika mitwe yesu.

¹⁹⁰ Elyo Nda syoma Nda mvwa Mukwesu Junie Jackson kusule mu bbunga. Mukwesu Junior, sa nkoli okuno sunumasiku? I mukwesu uzwa ku New Albany, mbungano ya Methodist. Ncibotu. Mukwesu Jackson sena inga watu mwaisya mu ijwi lya mupailo?

[Mukwesu Jackson watalika kukomba. Kabeela katakwecintu aa teepu—Mul.] . . .? . . .kuba mu mucado, kuboola kunembo cakufwambaana ncobeni lino.

¹⁹¹ I Mwami amu longezye. Tuyo mubona juunza masiku.

Mwana wa buusu a mapenzi;
Liyu kupa lutangalo a luumbulizyo.

(...?...) 

ZINKOZYA ZYA KRISTO TNG59-0525
(Images Of Christ)

Oyu Mulumbe aa Mukwesu William Marrion Branham, wakakambaukwa lutaanzi mu Chikuwa mu Muvulo manglezuya, Kaandakanini 25, 1959, ku Branham Tabernacle mu Jeffersonville, Indiana, U.S.A., wa kagu sigwa kuzwa ku rekordi yamagnetiki teepu a kulembwa cakutagwisyacintu mu Chikuwa. Obo busanduluzi bwamu Chitonga bwa kalembwa a kumwaisigwa aa Voice Of God Recordings.

CHITONGA

©2022 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Kuzibya Kwa Nguzu Zyakkopi

Nguzu zyoonse zilitaminidwe. Eli bbuku inga lyalembwa ku purinta yaku ng'anda ku kubelesya kwamuntu na kuvozegwa, kakutakwe kubbadelesya, mbuli cibelesyo ca kumwaisya Makani mabotu aa Jesu Kristo. Eli bbuku talikonzyi kusambalwa, kulembululwa muciiimo cipati, kubikwa aa webbusaiti, kuyobolwa mu ciyanza cakujokolosya, kusandululwa mu misyobo iimbi, na kubelesegeka kulomba lugwasyo lwa mali kakutakwe kuzumizigwa kulembedwe kwabumboni aa Voice Of God Recordings®.

Ku makani aamba na cakubelesya cimbi ciliko, walombwa kukwaba ku:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org